

無錫金匱縣志

卷十三至十四

冢墓	祠祀	今制通記
	子姓分祀	本色寺祀
寺觀		本色分祀
	古蹟	子
	附園墅	
碑碣		

ル 5

3047

5



門 儿 6  
號 3000  
卷 5

門 儿 6  
號 2300  
卷 5

門 儿 5  
號 3047  
卷 5

無錫金匱縣志卷十二

祠祀

古者壇以祠天神地祇廟以祠人鬼人鬼有時而壇神祇不廟後世名制頗紊要其為崇報之典則一也吾邑秩祀自宋以上可徵者鮮國初因明舊令有司嚴事凡十餘所厥後援類寢廣所以順民情而作其孝敬之思者蓋汲汲矣茲據典籍可觀及傳播較著者稍部分之志祠祀第十四

社稷壇在西門外開原鄉

國朝即明舊壇為之壇北嚮

高三尺

案此明制今制高二尺一寸

方二丈五尺壇下前十二丈東

昭和九年  
六月十八日  
印

西各五丈繚以周垣門四由北入木主二一題縣社之

神居右一題縣稷之神居左旁為神厨齋舍之屬舊志有石

主于壇南正中去壇二尺五寸埋之止露圓尖春秋仲月上戊兩邑合祭用

羊一豕一祝一帛二宋舊壇在縣治南一百五十步見咸淳志

鄉社壇每里立社祀五土五穀之神歲以春秋仲月里

老致祭用羊一豕一今廢乾隆庚午志云水旱疾疫民

社鄉厲之壇茂如近世郡邑類然有其舉之庶幾淫祀可熄以俟明於鬼神之故者

縣治土神祠春秋支帑致祭金匱支無錫帑案縣治土神蓋即古

侯社之遺也此條據志外增

神祇壇在南門外景雲鄉舊稱風雲雷雨山川壇明初以

城隍附饗 國朝因之改今稱壇南嚮廣袤與社稷壇

同木主三一題雲雨風雷之神居中一題境內山川之

神居左一題兩邑城隍之神居右春秋仲月兩邑令諏

吉合祭用羊一豕一祝一帛七孟夏常雩及雨暘祈報

儀物均與常祭同

先農壇二一在南門外揚名鄉無錫主之雍正五年知縣

李枚奉文支帑建壇南嚮高二尺一寸廣二丈五尺壇

後正房三間中奉神牌東貯祭器農器西藏瑞穀配房

二間東辦祭品西居佃農壇前為藉田神牌高二尺二

寸濶四寸五分厚九分座高四寸五分厚如之濶八寸

五分朱漆青字題先農之神歲以仲春吉亥致祭用羊一豕一帛一奠瘞畢出詣田所引老農行九推禮壇內附立八蜡神位先嗇一司嗇二農三郵表畷四貓虎五坊六水庸七昆蟲八以季冬上戊致祭一在靖海門外景雲鄉金匱主之

文昌帝君廟二一在縣治東南藥皇廟內無錫主之嘉慶六年奉文傲關帝典禮每歲春秋二仲致祭祀以太牢咸豐十年燬一在崇安寺大殿之左金匱主之舊稱文昌宮雍正間邑人秦孝然建金匱志作潘果建乾隆四年顧應元與弟建元重修嘉慶六年奉文改稱廟有司春秋致

祭咸豐十年燬

城隍廟二一在無錫縣治東南無錫主之其先在縣治西元至大中州同知宋澤建明洪武二年知縣熊懋徙今地正統中燬知縣項伾重修後府同知范澤知縣榮華甄津劉五緯相繼修治 國朝康熙間知縣吳興祚又重修之乾隆三十九年大殿圯邑人竇文銘倡修嘉慶初增建西偏廳宇咸豐十年毀僅存頭門儀門同治八年重建內殿光緒二年邑人吳汝渤等集貲增建故事縣官泣任先夕齋宿廟中朔望展謁歲以春秋二仲吉日合祀于神祇壇廟東偏有鄭氏祖祠相傳元至正中本州州判鄭懋卜居于此後舍宅以

充廟屋故廟內有鄭氏一在城東弓河之上金匱主之  
祠焉同治中後裔重建  
雍正四年始分縣知縣王喬林倡建九年馬廷相胡慎  
相繼修築十三年落成乾隆間知縣張曾泰張寬泉先  
後增拓咸豐十年毀僅存頭門儀門同治六年興建邑  
人秦臻趙榮等募貲修整

邑厲壇在北門外天授鄉每歲清明七月望十月朔兩  
邑令于前三日各詣城隍廟以祭厲告至日奉城隍神  
位于壇正中陳羊三豕三米飯三石尊酒楮帛于祭所  
主祭陪祭官行禮如制

鄉厲壇每里立壇祭無祀鬼神如邑厲歲三祭祭物牲

### 酒各隨鄉俗今廢

火神廟二一在關帝廟後無錫主之有司歲以季夏下旬  
三日致祭咸豐十年燬一在崇安寺文昌廟後金匱主  
之咸豐十年燬同治十三年重建有司春秋致祭如例  
關帝廟二一在無錫縣治東南無錫主之雍正五年奉文  
十一年知縣吳翼祖建每歲春秋二仲及仲夏中旬三  
日俱祀以太牢並崇祀三代咸豐十年燬一在崇安寺  
大殿之右金匱主之明萬曆中邑人秦耀建析治後無  
專廟有司于此致祭嘉慶六年燿八世孫瀛重修有記  
見藝文咸豐十年燬

無錫金匱縣志 卷十二  
純陽帝君廟在無錫城隍廟殿後嘉慶十一年奉文通祀  
邑人塑像于此每歲春秋二仲有司諏吉致祭用素饌  
咸豐十年燬

劉猛將軍廟在惠山寺左乾隆元年兩縣奉文支帑合建  
咸豐十年燬光緒三年無錫知縣裴大中興建歲以正  
月中旬三日及冬至後第三戌兩邑有司致祭

右今制通祀諸壇廟

孚澤廟在縣西南軍將山宋淳熙中知縣王可大建以祀  
龍神旁有龍湫禱雨輒應開禧二年賜今額

顯應廟在縣西安陽山祀周安陽侯贊舊在山北明宣德

中知縣唐泰安徙建今地以山巔有龍湫禱雨輒應故

俗稱龍王廟宋紹興三年賜今額列祀

春申君廟祀楚相黃歇舊在春申澗旁後徙錫山麓歇徙  
封於吳吳人祀焉今俗稱社神廟其地曰廟巷

尊賢祠在惠山二泉亭門外先是二泉亭之上有陸子祠

祀唐陸羽繼增祀華寶湛挺李紳爲四賢祠明天順末  
以華有專祠減爲三賢正德中邑人邵寶增祀焦千之  
錢顛秦觀尤袤倪瓚張翼王紱改稱十賢堂寶歿又增  
祀秦旭及寶爲十二賢改今稱康熙間知縣吳興祚卽  
泉上建雲起樓乃遷祠于泉右若冰洞之東後知縣徐

永言修德水亭奉諸主其中列之祀典乾隆十六年德水亭改入

行宮始徙建今地祠中粟主以次漸增多倍于昔嘉慶四年邑人秦瀛重修并增祀梁鴻作文勒石見藝文咸豐十年燬

吳許二長官廟在富安鄉舊傳蕭梁時晉陵無錫二令以陽湖泛溢行視堤防值水大至溺焉鄉人祀之奉為社神

靈護廟在東嶽廟右廡舊傳神姓王氏名越祖宋時開化鄉沙頭人歿後累著神應清熙中立廟明張思安重修廟記越祖清熙

間人紹定初建廟紹定三年賜今額後封福濟廣利侯元至正間復有息風護漕之事見倪峻碑文

麻尹二將軍廟在五牧南彭郎村祀宋文天祥部將麻士龍尹玉麻尹與元兵戰死于此土人立廟祀之俗稱雙廟又有廟在南門外 國朝康熙間割其地別建南水

仙廟僅存三楹兩處並列祀舊志明薛應旂別建二忠祠于五牧西之驛道倭寇過而欲焚之忽見赭衣仗劍者並立道上遂逸去而廟卒毀

報忠祠在尊賢祠內始自 國初邑人顧鏞卽儲貞義祠增祀數人為之乾隆間知縣吳鉞定祀儲福陸士隆葛桓施武楊淮曹懷張選華允誠龔廷祥孫源文秦華鍾

張令憲凡十二人列之祀典

舊志作十一人有王孫蘭無華允誠龔廷祥今從報

忠祠

嘉慶四年邑人秦瀛重修并請于學使增祀有明

一代無錫之以直諫及殉節著者有記見藝文咸豐十

年燬

鄧侯祠在芙蓉圩祀明知縣繼曾嘉靖中建

松滋王侯祠在惠山繡嶂街祀明知縣其勤萬歷間邑人

高攀龍倡建列祀陳幼學增建兩廡并祀禦倭死事何

五路等三十六人

何五路吳章葉長春陳受倪松張世富朱雲徐鳳陸盛張鸞高貴查文燧

沈龍陳華過問翁耀金鸞夏林陳世芳吳文祿秦世芳吳功顧信沈鳳丁瑾宋教閔進慶裴雲鵬黃啟元劉守

禮楊效陳惠周召

戈金沈名趙爵 國朝乾隆間邑人華希閔嘉慶間

秦瀛相繼修治道光間有王姓私添附位邑人呈請撤

之時無錫知縣謝元淮金匱知縣李彭齡勸捐重建兩

廡并于南水仙廟經費內酌撥十分之三為斯祠歲修

之費

見錫山攬袂集

又築遺愛堂補附明禦倭有功苗子白錢

從韋張守經張守約于堂之東夾室附潘海于西夾室

又有廟在南門外俗稱南水仙廟康熙二十年邑人高

菖生周詢等捐建嘉慶十四年拓地重建列祀咸豐十

年燬同治間興建

劉侯廟俗稱水仙廟在城西太保墩祀明知縣五緯 國

朝順治初即水仙廟改建列祀咸豐十年燬同治間興



祠  
建志外云先是湖溪漁人祀水神于此謂之水仙明季嘗祀禦倭諸義士于水仙廟萬厯間徙附惠山王公

四先生祠在五里街南卽共學山居祀宜興湯之錡武進金敞章大士及邑人顧培康熙間東林講習旣廢培乃建共學山居每歲定期集四方同志爲會行高子復七規而奉敞主其事敞故師事之錡歿設主祀之後敞與大士相繼歿兩主亦並入焉華希閔嘗從培游培歿並祀培爲四先生祠咸豐十年燬

史光祿祠在錫山于忠肅祠左祀江蘇候補道保悠保悠紹興舉人咸豐十年駐兵北塘禦賊戰死同治九年奉

旨建

淮湘昭忠祠在惠山寺內割寺之大雄殿以後至大悲閣止旁及竹鑪山房遺址爲之祀淮湘諸軍克復江蘇全省陣亡將士同治四年巡撫李鴻章奏建列祀

忠節祠在惠山寺塘涇卽九峯禪院基址祀本邑紳民士女殉粵匪之難者同治十年邑人秦鳳翔等集貲興建

列祀

貞節祠五一在惠山寺塘涇康熙五十五年建先是知縣吳興祚嘗以貞節已未旌共五十二人粟主合置惠山浦列女祠列祀祠基甚隘邑人顧鼎吉徙建今地又增

祀二十二人一在惠山寺門內日月池旁稱新貞節祠

雍正元年奉文六年別建列祀新舊貞節祠兩邑所共一在聽松

坊左舊為任節婦專祠嘉慶十四年節婦孫煜捐為兩

邑貞節公祠列祀一在二泉亭門外稱總貞節祠道光

十三年邑人呈請析有恒道院東偏地建列祀總旌案道光七年

年始于常郡子孫無力者並邀曠典邑人秦廷楫援其例倡始採訪各紳士踵成之共旌貞孝節烈一千八百

七十五人後又一在寄暢園前稱節孝祠道光二十九年邑人周有壬倡建列祀

以上無錫

顯濟廟在縣東北芙蓉山之巔前有龍湫多著靈異宋開

禧元年賜今額

秦伯廟在梅村其初即宅為廟後漢志注宋元祐七年詔以至

德額其門廟隘而圯明宏治中知縣姜文魁重建規制

始備天啓間知縣吳大朴葺之國朝康熙間知縣吳

興祚重修載之祀典邑人蔡鶴清等復捐貲修葺嘉慶

二十三年知縣齊彥槐續修同治間又修又有廟在城

中婁巷稱至德祠舊為三皇廟基地明洪武十年改建

列祀正德間府同知范澤修之邑人邵寶有記萬厯間

知縣劉五緯重修國朝康熙間知縣吳興祚乾隆間

邑人華希閔先後修葺咸豐十年燬惠山至德祠別見

道南祠祀宋楊文靖時在東林書院左列祀典又有七賢

無錫縣志 卷十二 祠祀

祠即崇正書院俱詳見學校

新會趙侯祠在北門塘祀明知縣應元萬歷間邑人張雲

鸞建以上金匱

案舊志無錫有四侯祠在周文襄祠左祀明知縣鄧繼曾萬虞愷王其勤李復陽又有眾侯祠祀漢陶穀以下至國朝武承謨有吳公興祥祠在楊家圩有武侯承謨祠在二泉右金匱有白龍廟在斗山並久廢

右本邑專祀諸祠廟凡著列祀者有司春秋致祭

東嶽行廟在錫山之麓其先在城內中市橋南後唐同光

初山人周太乙募貲徙建今地宋乾道至明宣德屢建

屢燬正統元年增建五嶽樓宏治七年增建兩廡國

朝乾隆四年邑人鄒文錦重修咸豐十年燬同治八年

重建正殿

藥皇廟在城隍廟東祀三皇乾隆十年邑人張汝翼等建

列祀後竇文銘等增築咸豐十年燬舊志舊有三皇廟在裏巷元延祐二

年建明洪武四年罷廢案明史唐元宗嘗立三皇廟于京師至元成宗時乃通祀于郡邑洪武四年帝以郡邑通祀三皇為瀆禮命罷之

真武廟舊稱真武殿在西高山吳赤烏中建後興廢無考

國朝康熙間邑人楊照重建後有葆真院楊培建右

有文昌宮乾隆間范徵沂陳觀海胡滋升保和等增建

又有廟在縣治東偏舊稱真武堂元延祐四年建明宣

德中知縣唐泰安修復舊列寺觀案陸清獻以真武為古元冥水神與祝融同列羣祀

今從之

伍相廟在縣西胥山祀吳大夫員

祠山廣惠行廟在北禪寺右祀漢張渤祠山廣德之橫山

也明史祠山廣惠祀張王渤為南京十廟之一每歲二月十八日遣本京太常寺官致祭又明宋訥鷄鳴山

廣惠祠記云神為龍陽人張渤發跡于吳興宅靈于廣德西漢以來蓋已有之或謂張湯之子安世而顏真卿

所記則在于新室建武之間以時考之不無抵牾至于錫封加號則始于唐之天寶益于宋之咸淳旱潦疵癘

薦之必應舊傳唐武德中與寺同建廟東嚮乾隆五十四年

改建南嚮列祀咸豐十年燬又有廟在望湖門外永聖

橋西俗稱張王菴創於宋嘉泰元年奉議郎齊礪書額

明正統中重修創棲真樓邑人邵寶有記 國朝乾隆

間拓地重建

張中丞廟舊志稱顯忠廟在東嶽行廟之東祀唐御史中

丞巡初在嶽廟右廡宋崇寧中建神像舊作厲狀蓋因

巡有死為厲鬼殺賊語也明景泰六年詔列祀成化九

年知縣李恭即清微菴廢址建今廟易塑神像邑人邵

寶有記又範鐵為賀蘭進明跪其下刻宏治御祭碑文

築亭覆之嘉靖中知縣萬虞愷題其額曰顯忠 國朝

康熙間知縣吳興祚乾隆間邑人鄒文錦相繼修葺道

光十一年燬十二年邑人募貲重建并添建唐睢陽太

守許遠廟于殿右咸豐十年燬同治八年邑人高鵬等

集貨重建

案嶽廟右廡之廟舊稱忠靖王廟元倪瓚有忠靖王廟迎享送神辭舊志疑忠靖係中丞宋時封號考諸會典中丞于宋時封威烈昭濟顯慶佑王無忠靖號也省志歙縣有忠靖王廟王姓張名卜家于滑之白馬唐天寶時與張許同死睢陽史失其名宋政和乾道間加封王爵潭州廟有宋會致堯撰碑然則中丞忠靖是二人矣唐書與巡同死者二十五人逸名者四而瓚所為辭序亦但云忠靖王神爵東平生能奮忠死有遺烈未嘗道及中丞事實疑不能明識以備考

五顯靈官廟在縣治東舊傳神姓蕭氏兄弟五人宋時賜

王號五並首顯字大觀中賜今額明史南京十廟有五顯靈順每歲四月八

日九月二十八日遣本京太常寺官致祭康熙志本廟在婺源元延祐明洪武宣德間

並經重修咸豐十年燬

天后宮在太保墩祀宋莆田林氏女乾隆初邑人劉浦等

倡建咸豐十年燬

金龍四大王廟在試泉門外祀宋浙人謝緒列祀

于忠肅公祠在錫山之麓祀明兵部尙書贈太傅謙萬曆

中邑人吳澄時建 國朝康熙間知縣吳興祚列入祀

典

五中丞祠在惠山寺左舊為明周文襄忱專祠正統中知

縣談清始建列祀萬曆中并祀海忠介瑞繼又并祀周

孔教 國朝康熙六十年又增祀湯文正斌稱四中丞

祠道光二十六年以革除現年弊政又增祀李文恭星

沅為五中丞祠

慕中丞祠在芙蓉圩湖上橋祀康熙中巡撫天顏以上無錫

南斗星君廟俗稱延壽司在東門外康熙間建

御賜光耀南天額乾隆二年拓地重建咸豐十年燬同治

間重建

府城隍行廟在北門塘慈雲寺左明宗禎間建相傳神為漢紀侯信

案宋陸游鎮江府城隍廟記云漢將軍紀侯以死脫高皇帝于滎陽之圍而史失其行事遷回作傳弗載也維朱十一葉天子駐蹕吳會改元乾道鎮江府方滋言府當江淮衝屏衛王室號為大邦自故時祠紀侯為城隍神實有靈德紹興隆興間北兵入塞金鼓之聲震江壖吏民不知所為則維神之歸北兵折北不支退舍請盟府以無事兵民疾癘以息神實陰相之詔賜廟額曰忠祐 國朝乾隆元年邑人陶

天壁等重修

忠佑廟在中市橋南祀隋司徒陳杲仁杲仁晉陵人唐初

卽其故第立專廟歷著靈異加封號有差至南唐保大

間陰佑柴克宏破周師冊為武烈帝故俗稱烈帝廟我

邑慕其義亦立廟祀之宋宣和中燬明宣德間復建康熙

志宣和建炎之間賜名忠佑嘉慶志廟為宣德間知縣唐泰安建 正德間重修萬歷中

邑人秦燿高攀龍嚴一鵬又相繼修治一鵬有記 國

朝康熙間秦德藻增葺之咸豐十年燬

王靈官廟在斗山明隆慶間邑人黃正色建有記明史京師有王

靈官廟宏治初罷祀是廟舊志附見斗山下今案太僕記述神之眷佑忠良靈蹟昭著故移之

晏公行廟在北門外舊傳神名戊仔臨江人顯靈江淮之

間封平浪侯或云元時封咸豐十年燬同治間重建

三公祠在鷺湖口新橋北祀明巡按孫慎參議翁大立知

縣王其勤嘉靖中三公清釐田賦民德之邑人華察為

立祠有記 國朝康熙道光間先後重修以上金匱

嘉慶志云成化志載有東海信即王廟在縣東南一里見虞孝恭南徐記唐垂拱間毀于狄仁傑前有河曰廟涇橋曰廟橋又有宗即王廟在倉橋北石城王廟在縣東三十五里與上信即王廟俱不詳其始末今已久廢案舊志無錫有聖姑廟在惠山有胡統軍廟在縣治後營河口有周陳二公祠在周文襄祠左祀明巡按周如斗陳瑞並久廢又無錫有碧霞元君宮在聽松巷北俗稱娘娘堂日知錄以宋真宗封東嶽神女為瀆祀又有徐偃王廟在石塘山有項王廟在管社山金匱有洞淵宮在城北梨花莊邑中出痘者禱此或謂是上帝五庚

使者主民間疾厄或謂是漢張壽有牛星殿在府城隍廟左牛瘟則祀之並歷代祀典未列類附於此以備考索

右本邑分祀諸祠廟凡祀典所載其專廟或在京師或在省會及他郡邑未嘗奉

文通祀而我邑敬崇已久者皆在此列其著列祀者有司春秋致祭

至德祠在惠山寺右乾隆三十年知縣吳鉞暨裔孫培源

等購煉石閣基址奉檄特建並祀仲雍季札

華孝子祠在惠山寺右地名華坡祀晉孝子寶唐以來即

孝子故居為祠後廢宋王彬復建明景泰間知縣顏肅

重修宏治中裔孫輝等增葺之萬歷元年提學御史謝

廷傑檄行編祭祠後舊有承志樓承澤池湖源橋遺蔭

樹樓圯裔孫希閔於雍正間重建又祠右有旌義祠祀捐建義莊贈奉政大夫華呈藻端揆進思乾隆四十年裔孫公弼增建

許顯謨祠在惠山寄暢園左祀宋顯謨閣學士德之舊在開化鄉方湖乾隆三十七年裔孫岱崧等奉檄建今祠以旌孝培元祔

袁龍圖祠舊稱材老先生祠在繡嶂街祀宋右司諫贈龍圖閣學士植舊有祠在揚名鄉久廢乾隆八年奉檄建今祠

費懿恭先生祠在繡嶂街祀宋秘書正字肅以宋進士袁

國朝餘杭知縣國暄配道光六年裔孫琳等請建

尤文簡公祠在二泉亭右祀宋禮部尙書表舊祠累經興廢後裔奉檄改建今祠初僅祠宇三楹漸加恢拓並築錫麓書堂

過郡馬祠在惠山寺門內祀宋郡馬孟玉以裔孫廷棟祠乾隆三十八年增祀明甲申殉節臨安訓導俊民奉檄編祭

虞薇山先生祠在惠山寺塘涇南祀宋虞薦發舊祠在惠山墓道旁尋圯順治中裔孫佐奉檄重建於東林書院南乾隆二十四年改建今地薦發入元嘗爲學官而不



受祿明知縣劉五緯於舊祠內題有宋季完人額已燬  
邑人秦瀛為補書之

強仁山先生祠在萬安鄉五牧祀元儒學提舉以德康熙  
二十七年奉檄建

倪高士祠在繡嶂街祀元處士瓚康熙三十年裔孫鳳來  
等奉檄建

張義士祠在惠山寺門內祀明初義士翼以翼子尙書籌  
錦衣策配台州通判明卿耐焉舊祠在邑東倉前後廢  
萬厯間邑人高忠憲攀龍陳幼學奉檄重建於洞虛宮  
右亦尋廢乾隆三年華希閔倡建今祠張氏後裔竣其

事

俞行人祠在繡嶂街祀明初殉節粵西行人德惠舊在俞

公橋嘉靖間巡撫陳洙巡按孫慎題准檄建明季燬九

世孫維藩復建今祠乾隆二年奉帑重修

學政全書俞行人祠奉祀

浦長源先生祠在繡嶂街祀明晉府引禮舍人源康熙四

十二年裔孫奉檄建以麗水令瑾耐

王孟端先生祠在繡嶂街祀明中書舍人紱嘉慶十七年

建

儲貞義祠在新安鄉淨慧寺旁祀明義士曲靖衛戍卒福

及妻范氏萬厯中巡按御史謝廷傑檄建

邵文莊公祠在惠山寺左即二泉書院舊址祀明禮部尚

書寶初祠在冉涇里第寶無子歿後有欲吞其宅者門

人莫同華雲設像其中以祀萬厯間按察使蔡獻臣知

縣劉五緯踵修之明制門予一名工食銀由縣支給後

廢順治中督學僉事張能麟重葺二泉書院乃移祀其

像於超然堂中列前明諸碑於祠之左右壁檄行編祭

乾隆五十七年邑人顧光旭集貲重修道光十九年族

裔復加修葺

秦氏雙孝祠在惠山寄暢園旁祀明成化間詔旌孝子永

孚仲孚以湖廣巡撫燿等配乾隆十二年裔孫道然等

奉檄建乾隆二十三年奉

命以封知府瑞熙祀

顧洞陽先生祠在惠山寺塘涇祀明廣東副使可久隆慶

時應天巡撫海瑞奏請檄建康熙二十七年火五世孫

敦重建乾隆二年奉帑重修

學政全書顧洞陽祠奉祀生一名

黃太僕祠在惠山寺塘涇祀明太僕卿正色康熙二十七

年丁紹美等奉檄建

王石沙先生祠在富安鄉祀明福建巡按御史瑛萬厯間

郡司理余繼善檄建

王僉事祠在惠山聽松坊左祀明廣東僉事問其地舊屬秦布政夔有古松盤石問愛之嘗寫爲圖旣歿卽其地建祠尋廢康熙間秦檄重建咸豐十年燬光緒三年裔孫炳宗等重建

薛義士祠在惠山繡嶂街祀明義士旦灝景兄弟二人同治十年邑人秦賡彤等請建

蔡氏孝友祠在惠山二泉亭右祀明旌表孝友元銳元鐸乾隆五十五年裔孫承烈等奉檄建

周文恪公祠在聽松坊左祀明禮部侍郎贈尙書子義萬歷間巡按御史柯挺督學御史陳惟芝檄建以子禮部

侍郎炳謨配

孫宗伯祠在寺塘涇祀明吏部侍郎贈禮部尙書繼皋乾隆五十三年奉檄建咸豐十年燬光緒二年興建頭門顧端文公祠在惠山寺左祀明光祿寺少卿憲成以弟禮部主事允成配萬歷間檄建乾隆二年奉帑修葺

侯太僕祠在碧山莊右祀明給事中贈太僕寺少卿先春康熙五十六年曾孫文鑰奉檄建乾隆二十八年六世孫晝錦重修並祀先春子舉人世芬咸豐十年燬

高忠憲公祠在寺塘涇祀明左都御史贈尙書攀龍以從子提學簽事世泰從孫歲貢生愈耐崇禎間檄建康熙

三十八年火移祀止水祠卽攀龍自沈處乾隆元年從曾孫隆復建二年奉帑增修自後每年有司春祭止水秋祭惠山咸豐十年燬同治十三年知縣廖綸倡捐重建

葉司空祠在繡嶂街祀明工部侍郎茂才舊有祠在青城鄉石幢與顧端文憲成高忠憲攀龍並祀爲東林三先生祠乾隆二十年族孫漢奉檄特建專祠五十八年移建今地

華學正祠在青城鄉祀明殉節養利州學正白滋康熙四十八年族人奉檄建以諸有宦望者配

馬忠肅公祠舊稱文肅在繡嶂街祀明甲申殉難諭德贈侍郎世奇祠故王園之太虛閣世奇櫬自京師歸嘗停其地後卽檄建爲祠以朱李二孺人附國朝順治十年

賜復祠田七十畝并復祠基乾隆二年奉帑重修

學政全書馬文

肅祠奉祀生一名

龔節愍公祠舊稱中翰祠在繡嶂街祀明殉節中書舍人改授行人廷祥康熙五年巡撫韓世琦檄建咸豐十年燬光緒五年裔孫福基等重建

華節愍公祠舊稱吏部祠在孝子祠旁祀明殉節考工員

外郎允誠康熙間巡撫湯斌檄建

嵇忠節祠舊稱留山先生祠在惠山寺門內祀贈大學士

前殉難卹贈助教永仁暨配封一品夫人 旌節楊氏

雍正七年奉

旨建檄祭咸豐十年燬同治間興建享堂

張孝子祠在惠山李忠定祠左祀旌孝寅孫雍正四年子

天鏞等奉檄建

潘孝子順孫祠在惠山寺塘涇祀孝子志道順孫稷嘉慶

二十一年裔孫觀光等請建以望齡廉大禮本郊配

杜韡仙先生祠在南門外永聖橋北祀 國朝封翰林院

庶吉士崇祀鄉賢芳道光間裔孫廷榕建其地卽芳子

詔南垞別業故址

贈兵備道楊公祠在繡嶂街祀殉難鄧都縣知縣夢槎嘉

慶二年奉檄建

享堂後有楊氏追遠祠祀漢太尉震道光初裔孫萬藻建

王武愍公祠在惠山寺塘涇祀湖北揀發知縣卹贈知府

恩綬以恩綬子卹贈主簿燮配義僕丁貴吳福壽附同

治十三年奉

旨建

華節婦祠舊稱節母祠在孝子祠左祀元都事鉉妻陳氏

幼武之母舊祠久廢康熙二十七年華裔卽舊地奉檄

重建廳壁有石刻文徵明書楊維禎春草軒詞

單貞女祠在惠山寺左祀明沈昇聘妻單氏嘉靖間貞女

兄子允中奉檄建邵文莊寶書貞義單姬額表其門

浦孝節貞烈祠在繡嶂街其初本浦烈女專祠崇禎中馬

文肅世奇卽女墓建先是嘉靖間浦氏有遇倭難之孝

子劭暨妻節婦過萬厯時詔旌 國朝康熙間族人起

麟議析爲二室一以祀孝子節婦一以祀烈女並奉檄

編祭而族之以貞節旌者附焉

强氏節孝祠在萬安鄉五牧祀明强基妻謝氏以明儒士

强敏功妻吳氏等附道光十二年析仁山先生祠東偏

地建

楊節婦祠在惠山寺塘涇祀贈知州楊希曾妻侯氏乾隆

五十年建

孫節婦祠在萬安鄉石塘灣祀國學生孫國顯妻陳氏乾

隆六十年建

詹孝婦祠在惠山寺塘涇祀監生詹潤妻王氏道光元年

子寶樹請建

趙節孝祠在萬安鄉鷺子岸祀節孝趙鎬妻孫氏以媳孫

氏附嘉慶二年趙恆趙豫等建以上無錫

顧右丞祠在邑之南林祀晉尙書右丞悅之明嘉靖中裔

孫起綸建

華貞固先生祠在南延鄉鷺湖祀明徵士悰  
華崇禎六年裔孫允誠建

楊長史祠在嵩山寺西祀明壽府長史文宏  
治中建嘉靖時提學薛應旂有重修嵩山寺祠碑記

華學士祠在北延鄉東亭金粟嶺東祀明翰林院侍讀學士察雍正間裔孫恕建舊有祠在鷺湖邑人龔勉有記  
王九巖先生祠在東門外祀明禮部郎中表康熙五十四年奉檄建

龔毅所先生祠在南禪寺西即城南書院祀明浙江布政使勉萬曆二十九年檄建

安我素先生祠在埃村祀明卹贈光祿寺少卿希范乾隆五年建

秦御史祠在第四箭河上藥師庵右祀明御史鏞鏞歿後門弟子私諡曰文孝族孫松岱作諡議卽鏞晚年所居之千休館爲堂祀之奉檄編祭

陳烈女祠在東門外祀明徐文美聘妻陳氏萬曆間提學副使鄒迪光建

王節婦祠在南延鄉磚橋祀王希裕妻呂氏雍正六年節婦孫鑑建

薛貞孝祠在城中福田巷祀旌貞孝薛大煥妻華氏以子

旌孝國學生齊田耐道光四年請建以上金匱

按舊志無錫有陳通判炤祠在惠山麓有陸亨聘妻張貞女祠在九峯坊右有唐節婦祠在西北水關外並久廢

右子姓奉祀諸專祠凡著檄建者官給祭銀春秋致祭著請建者自備牲醴官為致祭

先賢榮子祠在開原鄉榮巷祀聖門弟子旂

先賢廉子祠在惠山寺塘涇左祀聖門弟子潔道光三年

裔孫志勳等請建

先賢施子祠在惠山繡嶂街祀聖門弟子恆同治十二年

裔孫建烈等請建

鄒國公祠舊在孟氏惠麓小隱元時信安郡王孟忠厚六

世孫潼建明隆慶間裔孫懷東移建於新安鄉後為僧

居雍正間裔孫士煥訟之縣得直乃奉檄即其地建樓

三楹中奉亞聖以忠厚耐

祝太守祠在惠山寺塘涇寶善橋北祀漢九真太守良

國朝光緒三年裔孫亮寅繼勳等建

陳文範先生祠在錫山之麓祀漢太邛令實以南唐太常

喬宋常州通判炤及炤子舉人應鼐續以明湖廣布政

使禮耐道光十三年裔孫雲昇等請建

陸宣公祠在惠山繡嶂街祀唐中書侍郎同平章事贄裔



孫提舉京畿常平案遷居無錫陶墅建祠惠麓明季燬  
康熙四十七年裔孫慧玉等奉檄復建

竇諫議祠在城中新街巷祀五代周太常寺少卿禹鈞道  
光元年裔孫廷楸等建

錢武肅王祠在惠山寺門左祀唐吳越王鏐雍正中裔孫  
奉檄建

王文正公祠在惠山繡嶂街祀宋尚書令魏國公旦乾隆  
六年裔孫奉檄建

相傳王文正公祠其始即靈護廟設  
像祀之後自關門臨繡嶂街今則併  
為一而門  
疊二額矣

周濂溪先生祠在惠山寺塘涇祀宋儒道國公諡元公周  
子乾隆七年裔孫金紳等奉檄建乾隆二十二年

御賜光霽祠額四十年裔孫易請於當事以首國朝旌孝  
奕清祀

范文正公祠在天授鄉高魯堰橋之右祀宋參知政事贈  
太師魏國公仲淹康熙二十九年裔孫安義奉檄建以

元儒學提舉晞文祀又有祠在惠山繡嶂街乾隆五年  
裔孫章輅等請建

張明公祠在寄暢園前祀宋儒鄒伯橫渠張子以 國朝  
太子太傅禮部尚書諡文恪泰開祀道光間建

胡文昭公祠在惠山二泉亭右祀宋天章閣侍講瑗胡氏

自宋時有徙居邑之胡家渡者順治中裔孫憲昭等奉檄建祠山麓會武陵胡獻徵罷江南布政使事卜居無錫益拓其地乾隆二年奉帑重修

司馬溫公祠在惠山繡嶂街祀宋太師溫國公光乾隆二十年奉檄建

鄒忠公祠在惠山寺門內祀宋直龍圖閣贈寶文閣學士浩浩弟洞始居無錫裔孫迪光建祠於寺塘涇後廢康熙五十一年裔孫兆升等奉檄改建今地

朱樂園先生祠在惠山寺塘涇左祀宋祕書省正字兼樞密院編修長文嘉慶四年裔孫宗泗等奉檄建

惠學士祠在惠山寺塘涇南祀宋國子司業晉文林閣學士元祐康熙三十六年裔孫閏等奉檄建以明大理卿世揚祔

江助教祠在惠山寺塘涇祀宋欽州助教元慶道光二十三年裔孫樹德等請建

李忠定公祠舊在膠山北麓祀宋尚書左僕射同平章事綱卽綱少時讀書地宋淳熙中建後廢明正德中邑人安國重建同時邵文莊寶於惠山聽松坊左爲祠祀公稱尚德書院明制門子一名工食銀由縣支給 國朝康熙五年邑李氏奉檄特建祠於惠山寺日月池旁乾

隆二年奉帑修葺其膠山祠子孫居鄉者世守之

韓蘄王祠在萬安鄉謝村祀宋太師江浙制置使蘄王世忠康熙三十三年裔孫達等奉檄建

趙宗白先生祠在惠山寺塘涇祀宋殉節招討副使時賞道光十一年裔孫珙等請建咸豐十年燬同治十年裔孫榮等捐建頭門享堂

楊忠襄公祠在繡嶂街祀宋殉節通判建康軍府事贈徽猷閣待制邦乂道光十一年裔孫萬藻德墉等請建

呂東萊先生祠舊在惠山柏庭房右祀宋儒著作郎開封伯諡成公祖謙明正德二年裔孫貞建後裔式微祠邊

廢乾隆五十九年裔孫南陽等始呈請當事建祠舊址已奉檄給帑致祭會有撓之者工垂成而敗嘉慶九年邑人秦瀛爲別購地於錫山之麓巡撫汪志伊檄縣督建閱數年裔孫景山佩聲等始捐貲成之是爲今祠

陳文毅公祠在萬安鄉祀宋簽書建康府判官亮亮五世孫高元至正進士由永康遷無錫十六世孫世瑜於康熙四十二年建今祠

陶文憲公祠在惠山寺塘涇祀明江西參知政事追封姑孰郡公安以鄉飲賓恆裕祔道光十四年裔孫雨田請建

唐襄文公祠在惠山寺塘涇寶善橋北祀明都察院右僉都御史順之光緒三年裔孫懋勳捐貲請建以順之弟

立之配

以上無錫

嚴子陵先生祠在懷仁鄉寨門祀漢高士光以明徵士榮爾諸生整耐乾隆十八年裔孫智文潮等建

張長史祠在懷仁鄉祀唐金吾長史旭乾隆五十七年奉檄建

楊文靖公祠在景雲鄉江陂祀宋龍圖閣學士將樂伯贈吳國公時康熙初裔孫思九建

秦淮海先生祠舊在惠山墓旁祀宋國史院編修觀後廢

正德中裔孫銳奉檄特建祠於城中第六箭河之上以贈尙書樸封知府旭贈尙書霖布政使夔配稱五先生祠明制門子一名由縣給發工食後爲淮海樓奉遺像樓燬於火乾隆五十一年裔孫朝釭等請於學使增祀始遷武進通判湛自武進遷無錫處士維禎先後耐者共二十人咸豐十年燬同治初重建嘉慶八年裔孫瀛又於近墓之惠山第一峯三官殿左建楹立石刻建炎告並刻淮海及少章觀少儀觀像奉祀其中

滕少師祠在南延鄉祀宋龍圖閣學士少師甫明初裔孫集貲建

丁太常祠在北延鄉東亭祀宋進士第太子中允峽州軍  
事判官祕閣校理知太常院博士寶臣同治八年裔孫  
亦華妻楊氏建

朱文公祠在天授鄉前旺村祀宋儒徽國公紫陽朱子康

熙三十一年裔孫祖功奉檄建又有祠在白擔山之麓

宋季文公四世孫枋自婺源奉像來無錫明初始置祠

祠圯徙像僧舍乾隆九年裔孫紹修復構專祠於山麓

迎像祀之乾隆庚午志云嘗晤文公裔言先人古像海

錫即此像是也

右子姓奉祀諸分祠例如

按乾隆二十年無錫縣魏奉憲批示前任李令均編祭  
銀案內漏造馬文肅公等祠祭銀准照原詳在於學租  
項下動給共四十八處見惠山記續編先是乾隆十一  
年有均祭議李令祇以吳泰伯張睢陽等十六祠詳覆  
定額邑紳士復以所漏三十八祠呈請藩憲檄縣行查  
十四年知縣王鎬乃請於均給十六祠編銀內通融致  
祭各祠事得允行作文勒碑在華孝子祠內所列三  
十八祠華孝子胡文昭袁材老倪高士陸忠宣鄒忠公  
九文簡張義士錢武肅秦淮海朱文公俞行人王文正  
楊龜山惠元祐浦長源范文正李忠定虞薇山邵文莊  
秦雙孝周文恪龔中翰浦孝子顧洞陽侯太僕華吏部  
王九巖高忠憲顧端文黃太僕藥皇廟浦烈女張孝子  
華節母嵇留山馬文肅單貞女也而原編十六祠其名  
目未備舉查乾隆十五年庚午志所載十一以前故  
有之祠除上三十八祠並泰伯睢陽二祠外其著明列  
祭者有顯應麻尹二將尊賢七賢儲貞義四侯于忠肅  
韓蘄王周濂溪武侯舊貞節新貞節等十二祠又周海  
二公祠原為周文襄專祠舊列祀冊見呂太僕重修祠  
記又松滋王侯祠亦舊列祀冊見高忠憲王祠兩廡較  
則所謂十六祠者蓋可見矣至魏令詳定四十八祠較

華祠碑增多十處其名目亦未臚列查嘉慶志所載乾隆二十年以前故有之祠除上十六祠又三十八祠外其著明列祭者有王石沙龔毅所王僉事秦御史強仁山華學正鄒國公司馬溫公葉司空等九祠合碑列諸祠得四十七處其一莫可考見兵燹後縣中學中冊籍無存見今諸祠祭銀由錫學給者四十有四以上所見四十七處校之少胡文昭俞行人李忠定顧洞陽高忠憲顧端文藥皇廟華節母馬文肅龔毅所等十祠又併浦孝子烈女為一祠而多周光霽吳至德許文懿孫宗伯楊觀察朱樂圃呂東萊貞節等八祠胡李俞兩顧高馬七祠移入縣冊而光霽即濂溪則又自縣移來者也至德以下七祠皆乾隆二十年後所建由金學給者三祠過扶搖蔡孝友張長史亦皆乾隆二十年後所建又新增忠節祠兩學春秋輪給其分合多寡更互之由靡得詳焉姑識之以見今昔異同並俟攷核

冢墓

皇山片土到今脩敬至德之澤遠矣哉温公云澤十世者墓十世澤百世者墓百世斯言良然宋張俊墓發者屢矣人猶唾之前志削而不書以附春秋之義然則所筆必後賢與歸者乎志冢墓第十五

周

安陽侯贊墓在安陽山

高一丈五尺周百二十步舊志稱風土記武王封周章少子贊於無

錫為安陽侯卒葬山下因以名山子孫合有七十餘冢按寰宇記引風土記封贊於無錫安陽鄉不言侯也山名蓋因乎鄉舊志疑誤

漢

僕射劉昌墓在白石山

舊有斷碑向湖有廟即其墓

丞相司直虞俊墓在朱山

互見朱山

後漢

孝廉高岱墓在西高山

晉

孝子華寶墓在惠山華坡

蕭將軍墓在將軍堰橋之西北

元志堰橋西北岸舊有巫樞密故居相傳其地為顧

愷之墓萬曆志將軍堰側有蕭將軍墓非顧愷之墓謂即南史蕭思話之父源之贈前將軍者然考將軍堰本名單將軍堰見單鏐吳中水利書及咸淳志而蕭將軍墓前無所徵疑蕭乃單之訛也

宋

新安縣侯王華墓在縣西北二十五里

高一丈八尺周百二十步華南史有

傳墓見寰宇記舊志作新建侯茲據本傳改

唐

刺史滕邁墓在新塘門外半里

荒莽中有二石獸刻有唐尚書刑部郎陸州刺史滕

公之墓蓋宋滕達道六世祖元末鑿濠墓沒焉

宋

將軍浦冲墓在曹王涇

冲從曹彬南下為平南偏將留鎮無錫築居曹澤為浦氏始遷祖

國史院編脩贈龍圖閣直學士秦觀墓在惠山第一峯

觀

建中靖國中卒藤州殯於潭州政和中歸葬高郵子湛倅常州遷葬於此元初墓為趙氏所據教授虞薦發白於官復之舊志稱墓在璨山誤也秦瀛作淮海墓考始辨正焉

仁和主簿秦觀墓在大坯山觀字少章觀弟

右文殿脩撰李夔墓在湛峴山子維夔丞相綱父綱先葬母楚國吳夫人

父卒合葬先後各廬墓三年乾隆志云湛峴在嶧崑之北去錫山十餘里舊志因公墓誌廬墓錫山之語遂訛焉誌楊文靖時作其曰錫山者猶云無錫爾

尚書章誼墓在開原鄉橫山

顯謨閣學士許德之墓在流福山

郎中唐作求墓在開化鄉龜山先是作求訪婺州許德之謂曰明年君誌吾墓及期

而卒咸淳志作象山

秘書丞費肅墓在長腰山

信安郡王孟忠厚墓在孟灣忠厚字仁仲洛州人隆祐太后兄子靖康中知海州高宗

即位授徽猷閣待制累官浙東安撫使封信安郡王贈太保

魏國夫人墓在白茅山夫人姓沈氏太師洪皓妻丞相适母适為文表墓曰慈瑩

刺史贈節度使魏勝墓在惠山忍草菴前志外云勝拒金殉難立廟京口

賜葬惠山子孫遂家無錫後遷江陰

侍郎費錯墓在長腰山嘉慶志云選舉表錯紹興十二年進士未詳官職舊志皆稱侍郎不知何據

贈少師尤時亨墓在吳塘山時亨字雲耕尚書袁父袁嘗廬墓三年國朝雍正以來

漸為土人所侵并築僧菴於墓前墓幾無餘地光緒二年尤氏之裔文瀾等訟之知縣廖綸履勘復其地稅三之一立碑表之而菴未撤也明年菴火知縣裴大中斷以菴基歸尤并故地丈之得一畝七分九釐尤氏別購屋以昇僧焉



尚書尤袤墓在西孔山諭葬免糧六十餘畝 國朝康熙時為人盜葬後裔伺控巡撫

丈定陞科三十六畝墓右有泉道光時掘地得遂初泉古碑築欄圍之

知州戴達先弟侍郎幾先墓在布政鄉

僕射蔣芾墓在南照天灣山

直龍圖閣李祥墓在湛峴山葉適誌墓

侍郎尤棐墓在許舍山袁子煇之父

直龍圖閣沈有開幕在管社山

待制趙彥楠墓在蒼峴山彥楠字文長武進人葉適志墓

待制馮多福墓在石埠嘉慶志云多福紹熙四年進士明志作太卿馮多福前後庚午志改

稱待制均未知何據

端明學士尤焞墓在東孔山

侍郎蔣重珍墓在縣西四十五里謝堰

郡馬過孟玉墓在惠山馬鞍塢

郡馬鄧爾瞻墓在興道鄉灌園

提幹孟文龍墓在許峴山文龍字震翁昭慈皇后五世姪孫官浙東提舉常平司幹辦公

事咸淳間命主昭慈祀事元兵至文龍與守臣議不合哭於廟上聞將進秩辭曰宋社將傾敢自隕越以邀升進

監州麻士龍墓在惠山

虞薦發墓在惠山南子嘉興尹志道附

處士秦維禎墓在歸山子伯容仲益叔謙孫彥可彥起曾

孫行中樸俱耐

元

府判孟潼墓在惠山南

提舉強以德墓在璨山

宣慰孟棡墓在惠山南

承事郎錢志寧墓在軍將山為錢氏世墓

處士王仁輔墓在惠山

明

義士張翼墓在章山

太常卿尤良墓在章山

御史施武衣冠墓在大池

行人俞德惠衣冠墓在惠山繡嶺

巡檢張文煥墓在惠山

御史葛桓墓在中橋

尚書俞溥墓在章山

尚書張籌墓在章山

正言周衡墓在石塘西山

舍人浦源墓在錫山南

給事中倪峻墓在惠山

長史錢允昇墓在軍將山

學士王達墓在惠山

舍人王紱墓在惠山

贈主事王冕墓在惠山

布政使陳禮墓在惠山繡嶺

將軍祝秀一衣冠墓在惠山河許

秀一代父戍湖廣永樂中積功至懷遠將軍從

征蒲東妖賊陣亡  
卹贈振遠將軍

贈尙書顧信墓在璨山之陽

指揮使張德先墓在惠山

助教莫士安墓在惠山

都御史楊璿墓在長腰山

御史倪敬墓在璨山

贈員外郎陳士名墓在錫山子布政使賓祔

都御史盛顒墓在惠山諭葬

處士喻中墓在錫山子進士義祔

中為榜八世孫

贈同知楊永年墓在嶧嶼灣子同知達祔

封知府秦旭墓在惠山望公塢子旌孝永孚仲孚孫鏗鉉

曾孫淮漳滂沈俱祔為秦氏世墓

封通判秦勵墓在白龍山祔父瑩

白龍山卽康山

封知州張文簡墓在錫山

布政使秦夔墓在惠山桃花塢

知府張遜墓在惠山李相讀書臺下

布政使繆昌墓在舜柯山

郎中李珵墓在惠山錦樹菴

御史贈參議呂尙墓在惠山子太僕少卿元夫祠

贈知府顧榮章墓在璨山

尚書邵寶墓在惠山繡嶺諭葬 歲久湮廢嘉慶元年族孫綸錦脩復之侍郎秦瀛有

記

贈錦衣衛指揮僉事華棟墓在揚名鄉菰川莊子麟祥孫

郎中雲祔 墓在惠山

貞女單姬墓在惠山即貞義祠後

按察使吳學墓在青山 墓在惠山

運使張愷墓在萬安鄉

給事中葛嵩墓在嶧峒灣 土家

布政使陳策墓在漆塘山

尚書秦金墓在歸山薛墩諭葬

參政俞泰墓在惠山李相讀書臺下

副使顧可久墓在小嶺灣

戶部郎中楊淮墓在惠山

都御史談愷墓在開原鄉太平墩諭葬

贈參議張獻可墓在惠山沈倉河子通政使參議選祔

金匱縣志 卷十一  
三  
僉事王問墓在華藏山

知州陳籌墓在西定橋

諭德吳情墓在閭江雞籠山

按察使俞憲墓在雞坑鳳凰山

兵部司務王業墓在嶧峒灣

參議尤瑛墓在惠麓之西

贈郎中施教墓在大塚

贈通政使嚴朔墓在惠山王家塢

贈參議李縉墓在開化鄉楊橋

封通政使參議秦瀚墓在軍將山箬塢子布政使梁祔

贈主事汪時泰墓在惠山仙人塢汪家墩子參議汝達祔

贈侍郎馬濂墓在惠山馬鞍塢子贈侍郎希尹祔

知府秦禾墓在許溪橋

貴州參政張子仁墓在青山

侍郎贈尚書周子義子侍郎炳謨墓在惠山諭葬

副使施夢龍墓在舜柯山

布政使龔勉墓在南城外念五六圖

知府趙道隆墓在惠山

道隆無後外孫秦廷珪捐田主祭祀廷珪子孫貧鬻其產管墳者遂平道隆冢致訟於官侍郎秦瀛為直之而立碑於墓

太僕卿施策墓在大池

都御史秦燿墓在大坯

給事中吳汝倫墓在軍將山許畝

侍郎贈尚書孫繼臯墓在白茅山諭葬子源文祔

侍郎贈尚書嚴一鵬墓在陽溪之南諭葬

陝西提學副使李應祥墓在軍嶂山

都御史萬象春墓在大池諭葬

給事中贈太僕少卿侯先春墓在華藏山子世美世芬祔

副使鄒迪光墓在惠山

左都御史贈尚書高攀龍墓在璨山諭葬乾隆二年奉帑

重脩

封兵部郎中劉陞墓在軍將山

贈兵部員外郎施學海墓在大池成家橋

贈尚寶丞顧允成墓在北象山舊志在梅里鄉考乘云先葬陽都圩天啓四年遷葬

見年譜

太常卿陳幼學墓在龍山梢舊志在懷仁鄉考乘云其後裔言在龍山梢又幼學父瑩

在城內沙盆潭側

光祿卿劉元珍墓在軍將山

山東運同張夢時墓在仙蠡墩

貢生吳桂森墓在西大池唐山

贈員外郎吳桂萼墓在西大池蓮花山子員外郎其馴祔

孝子邵天祿墓在興道鄉六都一圖

學正華白蒞墓在興道鄉墓塘橋

副使顧應暘墓在獨山

副使施元徵墓在龍王山

諭德贈侍郎馬世奇墓在馬鞍塢諭葬從殉朱李二孺人

附乾隆二年奉帑重脩

吏部員外郎華允誠墓在惠山擔鈎塢

副使王孫蘭墓在徐陶涇

御史張纘曾墓在青山珪墩

知府王永吉墓在雞坑山

尚書張有譽墓在馬鞍塢

布政使邵名世墓在馬鞍塢

封御史秦爾載墓在銅坑山

御史秦鏞墓在朱山

兵部郎中王永積墓在象山

僉事高世泰墓在青山耐葬祖塋

中書龔廷祥墓在孔山

舊志作惠山石門誤

臨安訓導過俊民墓在青山灣

副貢生吳以馭墓在揚名鄉蓮渡橋

浦烈女墓在惠山繡嶂街

參將何以培墓在開花鄉坊前

知府鄒式金墓在雞坑山

國朝

知縣贈僉事秦華鍾墓在馬鞍塢 諭葬

知縣贈僉事張令憲墓在軍將山 諭葬

副使顧鏞墓在大池

知縣費國暄墓在軍將山龍寺灣

脩撰鄒忠倚墓在照天灣

布政使薛信辰墓在馬鞍塢

贈大學士嵇永仁墓在軍將山

贈尚書秦德藻墓在唐山

贈中書施瑞曾墓在大池成家橋

湖州推官龔廷歷墓在雞坑山

按察使秦弑墓在歸山

翰林院侍讀華亦祥墓在鎮山小嶺灣

諭德贈尚書秦松齡墓在開花鄉南塘

布政使胡獻徵墓在揚名鄉梁塘橋

刑部主事侯曦墓在歷村鳳凰翅

提學僉事華章志墓在青山灣

中允嚴繩孫墓在蕭家灣



孝子邵可學墓在興道鄉七都一圖

大學士嵇曾筠墓在軍將山 諭葬

刑部郎中施燾墓在青龍山

給事中贈尙書秦道然墓在新安鄉

處士高愈墓在許舍窰窩嶺

贈御史邵永源墓在大澗橋西附葬 贈訓導邵綸 錦亦附此

御史邵璿墓在大池桃花塢 諭葬 邵璿墓在 馬鞍塢

教習劉齊墓在馬鞍塢 桐城方苞題墓碑曰狷 者劉言潔先生之墓

庶吉士杜詔墓在惠山仙人塢附葬

編脩秦靖然墓在軍將山

贈侍郎秦寶然墓在大池

祭酒顧棟高墓在獨山

學士鄒升恒墓在蕭家灣

布政使陶正中墓在吳塘門附葬祖塋

訓導華希閔墓在大池子纓綬附

中書華希閔墓在青龍山

孝子許培元墓在嶧峒灣

侍郎贈尙書鄒一桂墓在馬鞍塢 諭葬

大學士嵇璜墓在軍將山銅坑塢 諭葬

封運司嵇國斌墓在許舍五浪山子府尹承志附

甯紹台道侯嗣達墓在嶧喇灣

贈侍郎秦春田墓在軍將山蝦鬚塢

處士吳之枚墓在閩江集賢村

尙書秦蕙田墓始在鴨城橋 諭葬今遷馬鞍塢

主事吳鼐墓在蕭家灣

學士吳鼎墓在惠山朱家灣

知縣吳熙墓在舜柯山

旌孝潘志道墓在南嶧喇山

旌順孫潘稷墓在惠山錦樹菴

按察使秦勇均墓在橫山

尙書張泰開墓在漆塘謝家塢 諭葬

旌孝張寅孫墓在惠山桃花塢 山人誌

孝女唐素墓在惠山點易臺右 縣志

武漢黃德道嵇璜墓在吳塘門

布政使許松佶墓在舜柯山 松佶字吉中閩縣人官安徽布政使子孫家無錫

員外郎周曰贊墓在馬鞍塢

侍郎杜玉林墓在蘇慶灣

布政使秦雄飛墓在舜柯山

知府周際清墓在厯村

給事中贈尙書鄒夢皋墓在惠山錦樹菴

贈侍郎秦鴻鈞墓在許舍橫山

侍郎鄒奕孝墓在開原鄉兌橋

莊涼道顧光旭墓在鼇頭嘴

濟東道秦震鈞墓在吳塘門

知縣贈兵備道楊夢槎墓在興寧鄉寺頭 諭葬

巡撫孫永清墓在胡埭

贈侍郎顧洵墓在蘇慶灣

御史王寬墓在華嚴山 本道光續志疑是華藏山

協辦大學士鄒炳泰墓在惠山仙人塢

侍郎秦瀛墓在富安鄉礮石尖子知縣緡武祠

布政使贈太常寺卿楊揆墓在陽溪 諭葬

布政使孫藩墓在蘇慶灣

知縣吳兆麟墓在石埠 諭葬

知州許鉉墓在雞坑山

侍郎顧皋墓在嶧峒灣馬家擔

舉人安吉墓在鎮山

贈工部員外郎汪嘉名墓在安陽山

知府秦沆墓在歸山子國楠祔

兵部郎中廉志勳墓在惠山仙人塢

同知杜紹祁墓在馬鞍塢

侍郎侯桐墓在擔鉤塢

孝子沈昌錫墓在章家塢忍草菴下

孝子孫希朱墓在萬安鄉龍潭頭

知縣贈知府李福培衣冠墓在惠山桃花塢 諭葬

知縣贈知府王恩綬衣冠墓在惠山王家塢 諭葬子贈

主簿變衣冠祔

贈知府張應蘭墓在仙蠡墩

烈女馬大寶墓在錫山以上無錫

商

秦伯墓在皇山高一丈四尺周二十五步史記裴駢注皇覽曰秦伯冢在吳縣北梅里聚去城十里

乾隆志云城謂故吳城非吳縣城冢與城皆統於梅里是也後漢郡國志劉昭注無錫縣東皇山有秦伯冢民世脩敬焉去墓十里有舊宅井猶存南徐記秦伯宅東九里有皇山秦伯所葬地皆足證去城十里之說咸淳志引南徐記晉殷帥為晉陵太守表其墓復一戶護守云明宏治間邑人楊文建亭表之 國朝康熙十二年知縣吳興祚重脩雍正四年金匱知縣王喬林立石禁民樵采乾隆三年金匱知縣王允謙奉帑葺廟宇更建墓門二十五年無錫知縣吳鉞嘉慶二十三年金匱知縣齊彥槐又再脩之

周

專設諸墓在城中婁巷今有塢曰專諸塢

吳

荆州刺史顧容墓在縣東南十八里高一丈八尺周百二十步俗稱顧墓見寰

記字

**宋**

中書令王僧達墓在膠山南嶺下 高一丈六尺周二百步 僧達南史有傳墓見寰

記字

**齊**

光祿大夫王琨墓在縣東北二十五里 高一丈八尺周百

傳墓見寰宇記

**梁**

蕭侍郎墓在膠山寺門 寺即其故宅 舊志逸其名

**唐**

僕射李紳墓在縣東五里 紳父悟始居梅里 鄉父子並葬此

**宋**

王越祖墓在鳳凰山 即靈護廟神

知州喻樛墓在東門外迴溪里五里涇 歲久涇廢康熙二

復之樹之碑刻邵文莊謁墓詩於碑陰工人掘土得白石如盤上有玉泉二字此蓋舊立於墓文莊時已圯土中故其詩有玉泉二字還須碣之語至是復置墓前世泰夏皆賦詩紀事其後此石為行船竊去墓亦漸廢同治十三年知縣廖綸重脩勒碑并種松數百本

處士袁靜脩墓在芙蓉山 初葬龍山貴顯某謂其地吉誣以盜葬而奪之其子繹乃啓而

遷焉僧志月割廬與之繹子四默點植正功後皆顯而某無子遺

侍郎費德宏墓在景雲鄉泉濱里 德宏生平無可考相傳其墓號白侍郎墳有吳

某者欲據之曰此白氏墓何與於費費訟之官將發誌石驗之吳聞夜發石盡鐫去誌中諸費字比官驗則誌

有費公者以其白晝稱為白侍郎  
句銘有費字故未去也吳乃伏罪

通判楊航墓在雙板橋航文靖之孫始居無錫

陳賢良墓在城福田巷元志在州城都子巷卽今福田巷也其人未詳

處士侯德宗墓在東門外劉巷橋子希道孫永常曾孫文

淵元孫清六世孫祖德七世孫應昌八世孫陽春十世

孫鼎鉉俱祔

將仕郎楊宗達墓在皇山西彭祖墩子濟良祔

將仕郎陳應龍墓在嵩山

元

翰林待制陸以道墓在天授鄉

處士李晦墓在東門弓河上按墓志云葬州隅弓河之原舊志作東門外城河上蓋誤

監稅華友聞墓在堠陽西原子璞墓在冷村墩

都事華鉉墓在梅里羅村子幼武孫棕韓祔

高士倪瓚墓在芙蓉山

明

處士浦振墓在石室山振與舍人源為兄弟行元季避兵居此為前礪浦氏始遷祖

處士華興叔墓在鷺湖興叔嘗訟而與讎俱繫獄獄卒曰久繫有一斃則免我為君圖之興

叔謝而益與其人脩好因除夕歎曰不意今生委骨於此夜夢一老人謂君骨當委茅蔣圩中耳遇赦出覓葬地舟過鷺湖方飯盃墮水中疑之植篙以識比再往枯竹已萌問其地茅蔣圩也遂填土築墓焉

處士王遜墓在天授鄉江陰巷王氏始遷祖

贈同知尤居敬墓在迴溪尤圖里子文實孫諤謬證謙祔

鴻臚通事舍人張存墓在埃山事見雜識

贈尙書顧壽墓在芙蓉山

布政使殷序墓在嚴埭

贈戶部員外郎安國墓在膠山子僉事如山祔

知縣尤弼墓在尤圖里

參政華津墓在梅里鄉

指揮使蔡孚墓在佘山南子振祔

壽府長史楊文墓在皇山至德墓東舒芬誌

布政使華昶墓在南延鄉

太常卿蔡亨墓在周涇口諭葬俗稱蔡皇親墳

禮部郎中王表墓在天授鄉前王村子編脩立道祔

學士華察墓在甘露北蕭塘

贈御史華露墓在景雲鄉王莊橋祔葬

太僕卿黃正色墓在梔柚山子知府學海祔

孝子浦劭墓在石室山

處士唐詩墓在泰伯鄉龍涇

贈侍郎顧學墓在涇里

贈光祿少卿安如陵墓在景雲鄉周涇

光祿少卿贈侍郎顧憲成墓在懷仁鄉板橋乾隆二年奉

帑重脩

吏部主事贈光祿少卿安希范墓在鴨城橋

贈中書舍人倪瑄墓在蘇團橋

處士過宗周墓在芙蓉山

國朝

處士黃庭墓在膠山南

處士顧祖禹墓在崇德里

贈知州倪永建墓在西莊橋

贈主事華瓏墓在鷺湖大通橋

典籍顧貞觀墓在嚴垵

處士李崧墓在鷺湖浜

知縣周宜振墓在芙蓉山孫旌孝奕清祔

檢討黃趙音墓在斗山西莊

禮部主事黃天球墓在冷瀆

教授王繩曾墓在東門外子一峯千仞孫宮容襄祔

學士顧仔墓在涇皋

教授浦起龍墓在宛山蕩關橋

休甯丞華進思墓在鷺湖蔡灣

主事贈光祿少卿王日杏衣冠墓在塘頭 諭葬

知縣華瑞潢墓在徐沖橋



巡撫鄒鳴鶴衣冠墓在小馬橋

知縣贈知府華元超墓在南延鄉長帶田以上金匱

案金匱志載有明處士華荃墓 國朝安撫使周應墓  
 嘉慶志以未詳出處錄附於後今按道光續志載有元  
 處士寶亨一墓在馬鞍塢處士錢仲宏墓在燕涇裔孫  
 振鐸墓在鴨城橋明承事郎惠思悌墓在嶧灣從子  
 覺墓在仙人塢裔孫書墓在新安鄉給事中尤基墓在  
 西大池 國朝處士侯世臣墓在漆塘山六世孫羅齡  
 附贈中書華國球墓在照天灣贈主事侯中采墓在漆  
 塘山贈員外郎侯義倫墓在青山贈運使嵇永翼墓在  
 龍山灣贈運使嵇曾孝墓在寶界山贈訓導嚴慶餘墓  
 在章山其人生平年次亦多未詳姑從舊例附錄侯羅  
 齡雍正十年舉人其六世祖當在明時而稱 國朝處  
 士蓋誤續志又載元魏郡公尤玘墓在西禧里屬長洲  
 縣 國朝總督孫爾準墓在陽湖縣新塘既非邑境例  
 難並書又舊志有孫權族弟孫必興墓說見章山條下  
 乾隆志載玉祁有大墩稱徐偃王墓識小錄載崇禎中  
 鷺湖民鋤地得白樂天墓碑今膠山土人謂山下有膠

南墓又江陂有家號黃家墳道光間掘土得  
碣曰前將軍黃蓋墓要皆無據概弗取焉

無錫金匱縣志卷十二終

無錫金匱縣志卷十三

寺觀

自井田法廢任富任貧其孤茕無依者二氏得而收之則浮屠老子之宮亦養濟外院歟然而私剏擅興厥有常罰比更塵劫物力艱難凡前朝敕庀之區 昭代錫名之宇聊且完葺什僅一二誠有所不暇也方外盛替亦覘世故寵飾所在悉如舊書非是頗剛畧焉志寺觀第十六

北禪禪寺在縣治南中市橋西巷唐武德中與鳳光橋同建初名鳳光後廢宋寶元中復置賜名壽聖禪院俗稱

北禪寺正殿署釋迦寶殿世傳為宋米芾書殿東有輪  
藏其下傳有石函置佛牙舍利之屬嘉靖中夜常有光  
寺僧疑其金也發之得兩方石有字如二王法而無名  
旋亦剝落遺亡亦無好事者傳其文寺於洪武永樂間  
僧東海惠思相繼脩葺正統中僧大振重建正殿隆慶  
中里人惠泉者感夢而募新之萬曆中僧常圓重葺最  
後僧淨蓮者亦里人見寺墮壞遂誓新焉大悲樓五楹  
乾隆三十六年候補知府秦兆雷建舊傳寺地凡二千  
一百一十一丈有奇俱為民居侵削道光十三年僧妙  
庵增建觀音樓咸豐十年燬同治十一年僧若虛重建

山門正殿

惠山禪寺在縣西五里惠山第一峯之白石塢宋司徒長

史湛茂之別業名歷山草堂後為僧寮曰華山精舍元

徽中沙門僧顯嘗居之

見釋寶唱名僧傳

梁大同三年改建法

雲禪院唐會昌中廢大中中重建

見大中十一年李蘧惠山寺題記

宋

至道中賜額普利院紹興初以院賜信安郡王孟忠厚

奉昭慈聖憲孟太后歲祀改寺名曰旌忠薦福元末燬

成化中僧戒欽者掘地得古銅章一文曰旌忠薦福功德禪院之印

明永樂五年僧懷祖

重建正統間火巡撫周忱知縣項伍重建萬曆三年又

火其後鄒副使迪光脩復而增飾之 國朝康熙十一

年僧超杲重葺未竟復圯二十三年

聖祖南巡

幸惠山寺酌泉於亭其明年邑人周宏詞者力加脩治迺

榜其上曰

聖敬式臨乾隆間

高宗南巡疊臨惠麓憩息山房

賜寺中匾聯并

御製詩別爲建亭立石又有

御筆楷書石刻心經三希堂法帖

賜寺僧成瑩藏於寺內寺門舊署曰惠山寺外有石幢二

別見碑碣

入爲日月池踰小橋而上左右有聽松觀泉二坊

其上爲天王殿入爲金蓮池一名纏塘一名浣沼中生  
千葉蓮蕾謂服之羽化與華州華山所產同其花似蓮  
而小色微黃香絕異今無之池跨石梁右有地藏殿更  
上則古木陰翳石臺二重攝衣而登中爲大雄殿梁大  
同中作亦名大同東西兩廊左有門曰不二門內爲禪  
堂向多高僧乾隆間僧佛源住此增建萬年臺讀書樓  
等所右門曰大行門內爲彌陀殿後改竹籬山房中貯  
竹茶鑪及竹籬詩卷大雄殿之後有天眼井又其上數  
級傳是宋高宗駐蹕地有門曰護雲關左眞武殿右文

昌祠有魁星閣張仙閣別見道院其上石臺數十級為大悲

閣邑人馬瑞建又其上玉皇殿則非寺中地咸豐十年兵後

寺宇全燬同治四年巡撫李公鴻章奏請建立淮湘昭

忠祠因割寺之大雄殿以後至大悲閣止旁及竹鑪山

房基地改建之惟不二門禪堂於同治間建復

按惠山僧房十有四右街白石塢北曰南隱房其左曰龍泉房又左曰別泉房觀泉門前右曰聽泉房寺門內左曰漚寓房左街小洞橋西曰柏庭房香積池在焉後曰林泉房其左曰真淨房又左曰梅隱房梅隱北曰大池房其左曰棲雲房桃花塢右曰孔山房曰雙松房雙松左曰聽松菴見邵文莊寶惠山記

龍泉菴在開原鄉嶧喇灣明宏治十八年僧信真者掘地得殘碑有永興二年敕賜龍泉菴字蓋其始建也菴左

有泉山僧接竹引之廚下

翠微寺在縣西安陽山梁中書舍人陸舉故宅太清初建

或云大同中名遠山寺宋太平興國賜今額元末燬明

洪永間僧師賢重建國朝乾隆間僧惠悟重脩

華藏禪寺在縣西三十五里華藏山亦名青山寺宋紹興

間太師張俊敕葬於此因建寺墓左以奉歲祀賜名華

藏褒忠顯親禪寺其地因以華藏名墓經屢發獨神道

片石尙存高宗御書題其額曰安民保大翊戴元勳循

王之碑元時寺廢明洪武正統萬曆中相繼脩復崇禎

中戶部侯鼎鉉新之鼎鉉晚年屏居於此舊志云舊有雲海堆玉望

湖諸亭  
今並廢

國朝乾隆間僧永昌重脩大殿

淨慧寺在新安鄉濱太湖宋嘉定中建賜額舊爲比丘尼所居萬曆二十七年里人王仕重建 國初僧節賢增構山門大殿嘉慶七年重脩

成性寺在開化鄉軍將山旁有龍湫舊名龍祠菴宋淳熙中建明天順中賜今額 國朝順治間重脩康熙間僧聞日重建大殿道光中僧徹朗里人蕭芝亭等擴脩長泰寺在縣西南長泰山梁大同元年建隋廢唐上元二年重建宋賜額普寧禪院寺有井舊傳有仙人從井中出逐之不及留一笠而去因作留笠閣寺後有巨人跡

名羅漢跡明宏武中仍名長泰嘉靖中重建大殿植柏樹百餘株 國朝順治康熙間僧正可中和相繼增築寺有南北院南院圯乾隆五十八年僧行周脩復之改名善慶菴嘉慶十七年嗣法警凡重葺

保甯寺在興甯鄉梁大同中建名福愛院隋大業間廢唐上元中重建宋淳化賜今額舊傳爲甘羅故宅旁有甘蕩 國朝康熙二十二年邑人楊熠楊培重脩又有西院楊煥建

開利教寺在縣西北洛社鎮舊傳爲王右軍莊梁太清初建始名興福宋景祐三年賜今額元末廢明洪武十三

年僧永康重建天順成化先後重脩有池曰滌硯亭曰

觀鷺 國朝康熙間僧涵清道宏秋輪等分建東西前

院嘉慶五年大殿經樓燬於火道光六年僧勤學募建

城中有上壽菴在縣治東康熙間僧霖若建 青蓮菴在

縣治西其左為白衣菴 祥雲菴在觀橋西初為準提

閣康熙間僧納川建 善緣菴在應宿墩後道光間僧

自脩建 祇園菴在城西南隅 小九華禪院在西城

腳乾隆間僧迅帆募建

城外開原鄉有牧雲菴在二泉亭右 禪悅菴在錫山之

南宋紹興間建有三塢貯僧人化骨故俗稱三塢菴

白衣菴在惠山寺左明天啟間建 舊志菴中大士像為宋時所造僧慧照者

卓錫於此構柏庭禪舍明天啟間副使鄒迪光重脩按

柏庭房洪武間沒官正統間為周文襄祠見邵文莊惠

山記又嘉靖初文莊撰貞義單姬祠記云祠在周文襄

祠左則其時尚無白衣菴也萬歷間談脩惠山古今攷

亦不載有此菴至天啟間華淑惠山名勝志始載白衣

菴在聽松坊境甚小是舊志所謂重脩實即初始也

茅蓬禪院在惠山第二峯繡嶺亭左同治間僧朗風

募建 忍草菴在章家隴上明萬歷間夔州知府顧與

沐拓建 嘉慶志菴中有貫華閣 國初顧貞觀陳維崧

墓 嘉慶志菴中有貫華閣 國初顧貞觀陳維崧

墓 嘉慶志菴中有貫華閣 國初顧貞觀陳維崧

石浪菴在錫山之半 慶雲菴在錫山南明崇

禎間僧古堂建 洞雲菴在錫山元季建稱紫皇殿

石林菴在錫山下雍正間詩僧妙復嘗居此 青山寺

在青山下乾隆間僧佛源增建五百多羅漢堂嘉慶志別有青

山寺在縣西青龍山下多古松明僉事王問題額志外云王僉事題額即在此寺 普慶菴宋

紹興間建 西方菴在官瀆橋北明萬厯間周文簡炳

謨建 西林菴在西定橋東嘉慶志菴中有六湖草堂額馬忠肅世奇書

寶華菴在梁溪口舊稱溪口莊贈尙書秦德藻捨建

三義菴在大德橋東明成化間封知府秦旭建 眾香

菴在雙河邑中孫氏建 玉泉菴在錢橋宋景祐間建

工部喻樛讀書地 富安鄉有法喜院在蔡村宋嘉定

間邵司法捨建 德慶菴在賈山唐天寶間建 太平

菴在賈山元泰定間建 壽甯菴在胡山嘉慶間僧遠

塵重脩 普濟菴在習巷村宋紹興間建 化城菴在

俞巷村宋端平間建 資福菴在鳳山西宋淳祐初鴻

禧監簿王野舟妻吳氏即野舟墓旁建有大土石像最

奇古 萬安鄉有僧跋菴明萬厯間建副使鄒迪光有

記 神護鄉有宛如菴在賈山西南唐天寶間僧祖懋

建 布政鄉有致敬菴俗稱青山菴宋淳祐間建 延

壽菴在劉塘橋宋咸淳初建 國朝雍正間僧際凝嗣

席嵩山退老於此 青城鄉有誌公寺在誌公橋西相

傳誌公禪師嘗居其地故名宋建炎初僧曇顯建 慈

濟菴在細磚橋明天啟間僧彌壑建 揚名鄉有鎮塘



菴在清甯橋西明嘉靖間建 福城菴在菰濱橋南舊

為菰川莊明郎中華雲別墅僧佛音改建 水月菴在

菰川莊左 崇福菴宋紹興初建 新安鄉有崇慶菴

又名徐淘菴宋嘉祐中建 禪悅菴原名北聖堂明萬

厯中建 顯慈菴宋咸淳中建 國甯院明萬厯中太

常陳幼學等建 妙慶菴在俞村宋嘉祐中建 裕慶

菴俗稱草菴元至正中建 開化鄉有橫山菴在橫山

東坡宋淳熙間建 雪浪菴在橫山之巔蔣忠文重珍

讀書處舊志其麓有宋時大楓樹二今合為一 漂白菴臨長廣溪 洞

菴在許舍山塢明萬厯間重脩靈巖儲師之嗣介石俊

退老於此 石塘菴在長廣溪北口宋嘉定初建本名

法王又名寶慶 永安院在冠山東北俗稱石塘元至

正間建 萬梅菴在縣西南野山前臨震澤 方湖寺

宋紹興初建嘉慶志舊有許德之祠見元費錯記已廢 興福菴 仲菴在

軍將山明長史錢仲益建 興甯鄉有普濟菴在墓塘

光明萬厯中建 繼志菴在西高山真武殿左康熙間

楊培建 永慶菴在鄒圻元皇慶中學士王璽捨建

崇慶菴在西高山吳赤烏初建旁有祠山廟俗稱廟菴

報本菴在西高山陳村元泰定中建 青城鄉有德

慶菴在五牧運河之南元至正中建 長慶菴在周村

宋楊后建長慶院於汴京後其姪扈蹕南渡僑置於此以奉后歲祀 覺慧菴乾隆間僧靜益析長慶建 報

慈菴在玉圻村宋景祐中建 妙相菴在湖上橋宋明

道初建 慈雲菴在大墩嘉慶間僧方山重脩 慈隱

菴在大墩俗稱社堂

以上無錫

靜慧寺卽崇安教寺在城中大市橋之東晉哀帝興甯二年建或云王右軍故宅榜其門曰祝聖都道場宋太平興國初賜崇安教寺額建炎中火後重建西爲五輪大藏紹興二十八年僧義深建東爲千佛閣紹定中僧師亨建元至正火明洪武十四年僧通圓建大殿正統九

年僧慈拱撤舊重新之天順中僧宗靖置鐘樓成化中大殿火僧智謙重建萬厯中僧顯相置觀音閣殿後爲禪堂有藏經閣貯慈聖太后所賜大藏僧明性所建閣前有墨池東有祝聖放生池其曰東院者明景泰中副使張思安輩結詩社於此順治康熙間僧定意宗超重茂等先後葺治雍正八年大殿圯僧芋園募脩乾隆五年僧聖能葺之邑人鄒文錦重建天王殿二十二年敕賜靜慧寺額五十三年僧天機改建山門道光間僧慶山潔厓竺峯等復先後增葺咸豐同治間寺全毀後稍建殿宇數楹邑故無

萬壽宮兩邑有司卽寺爲祝

釐之所光緒元年邑令廖綸始建

聖諭亭於殿前朔望因宣講焉

別見  
廨署

萬松院在殿前左偏

道光十九年僧竺峯靜塵重葺咸豐十年燬同治間恆

山重建其北曰北院

南禪禪寺在南門外梁太清初建始名護國唐咸亨中改

曰靈山宋天聖間重脩賜名福聖禪院雍熙中僧某見  
持鉢入寺者旣而求之不得惟壁間挂錫猶在眾異之  
建浮圖焉旣成以前所見將設像其中則夢一人謂曰  
無煩塑工泗州有三像可迎之及往果然先夕舟人夢

有紫衣僧乞附舟至無錫南禪寺旦則僧迎泗州僧伽  
像者至迺載與俱下自是寺以南禪名崇甯三年賜塏  
名爲妙光天曆中災僧心月重建明永樂中又災宣德  
二年僧一葦重建八年圯一葦又脩而僧獨峯柏庭相  
與成之後又圯久不治 國朝雍正乾隆間住持長慶  
矢志規復垂三十年始還舊觀道光間僧妙庵靜峯鑑  
海等先後重脩殿塏咸豐十年燬同治間僧聽諳次第  
興建

保安教寺在城南景雲鄉始創於梁大同初宋紹興中重  
建至乾道賜額保安禪院元廢明洪武二十八年重脩

改稱爲教寺嘉靖中僧廣才等拓而新之有天王大雄  
穢跡諸殿有禪堂七佛閣邑人華珂鳴建其地甚僻多  
脩篁古木門外溪流縈拂邵文莊寶嘗作東林書院於  
其左 國朝乾隆二十六年僧寶輪建萬佛閣嘉慶六  
年僧九峯重建山門道光二年僧西懷募建齋堂咸豐  
十年燬僅存正殿

祇陀講寺在梅里鄉梁大同二年邑人王建施宅爲寺隋  
大業五年廢唐上元間重建又廢乾符三年脩復之宋  
淳化二年賜名崇教禪院元末廢明洪武元年建二十  
五年仍改今額萬曆中重脩

興教禪院在縣東四十里梁大同二年建名施陀宋紹興  
初賜今額

膠山教寺在縣東膠山之西相傳梁蕭侍郎施宅建於太  
清初名彌勒寺隋大業重創宋至道中賜額興化建炎  
間李忠定綱請奉先祀改崇親報德禪院舊傳惠山膠  
山兩寺寺門東西相對不爽尺寸中有碎石塢礪劍石  
滌硯池等遺跡舊志左有環翠聽  
松秀峯諸軒並廢明洪武元年僧續振  
重建正統嘉靖中僧道演廣勤先後重脩

靜教寺在縣東上舍亦名上舍寺陳至德元年建初名善  
寂隋開皇中吳郡刺史陳子邁徙家邑之東山增築大

業中燬唐上元中復建宋太平興國五年賜今額元廢明永樂中重建

嵩山禪寺在縣東嵩山傳有嵩頭陀者居此因名元至正中建明初邑人楊德彞施地大創臺殿遂成名刹姚廣孝記之袁珙識廣孝於此見明史有杪羅林來月軒等遺蹟宣德八年賜今額 國朝康熙元年僧超杲重脩乾隆六年嗣法際旭建鐘樓於東隅四十九年僧朗悟重脩嘉慶元年火七年僧瑞日募捐重建

圓通寺在延祥鄉唐乾元初建本曰乾元嘉慶志云金匱縣志謂吳赤烏年婁侯張昭施宅未知何據會昌中廢咸通中重建宋景祐時賜今

額明永樂八年重建萬厯中僧智怡增建禪堂

甘露寺在延祥鄉甘露鎮唐乾符三年建名甘露禪院宋太平興國改賜名廣濟院明洪武中重建易名甘露寺隆慶六年華學士察重脩萬厯中僧真覺建山門大殿慈雲寺在縣北塘明崇禎中舉人鄒兌金建廣池四而為放生池環蒔花竹中為石臺構殿其上貯大藏焉朱橋宛轉外列僧寮風帆南北時聞鐘唄以地當道左廢圯略盡其後鄒氏子孫次第脩復之恭遇

聖祖臨幸賜今額

高宗屢幸賜詩立石咸豐十年燬

崇先禪寺在泰伯鄉宋紹興五年建賜名普利蔣僕射芾請為墓剎改今名元廢明洪武中僧永福重建

城中有東林菴在箬葉巷元至正間僧秋潭建宋楊文靖時講學於此故名東林菴地旁臨弓河明學士王達嘗

於此和中峯禪師梅花詩百首一夕而成 藥師禪院在第四箭河明都御史談愷香火院 古觀音殿在大

市橋元達魯花赤禾羅思彌建

城外景雲鄉有清和菴明萬厯間建 湧蓮菴明崇禎間

建 雨華菴 默光菴 楞伽菴 龍珠菴 祇林菴

永福菴 朝陽菴 綠蘿菴在東門外明建舊志嘉靖中僉

事王問結精舍其中有釣臺惠光塔繡經壇樂飢亭靈寶軒海天吟閣今並廢 菩提菴在東

門外康熙間僧如本建 擊竹菴在東門側僻巷中

金鷺菴在東門外梁大同中建宋改曰普濟寶慶中僧

法昌掘地得泉以施行人亦名施水院去城九里今又

稱九里菴 東臯菴在東亭明崇禎間主簿華師召建

西林菴在資敬觀右明隆慶間主事華叔陽建 普

福菴在東亭南道光間重脩 妙喜菴在新塘橋下乾

隆間里人陳芬建 西莊菴在九岸西 大慈菴在下

田橋 崇福菴康熙間建 上壽菴在河泗橋明嘉靖

間進士萬言策建 泗水菴在鼇塔橋 崇文菴在江

陂東明贈州判楊永年建今為觀音殿 茅莊菴在百  
 興橋明嘉靖間建 白蓮菴康熙間陳王氏建 善慶  
 菴雍正間里中過氏建 圓通菴在席祁莊 萬壽菴  
 在上馬墩同治間建 聚福菴在過家橋 延福菴在  
 芙蓉山西南元延祐間建明洪武中有禪師文洪文澤  
 居之 梅里鄉有永錫菴俗稱六菴宋寶慶初建 宅  
 仁鄉有靈鈞菴在膠山明正德中邑人安國建 膠山  
 鄉有成福菴在斗山宋淳熙間建 水月菴在東沙涇  
 明萬曆中建 香山禪寺在香山即顧山亦名顧山寺  
 梁大同初建 樂音菴在安鎮之西街 懷仁鄉有敬

思菴俗稱蠡園元至正初建 崇慶菴宋景祐間建  
 靖節菴元至正中建 延祥鄉有普明菴在皇山南坡  
 元至正中建 一葉禪院在僧伽橋乾隆間僧月潭募  
 建 天壽菴 廣濟菴 樾蔭菴 義盛菴在蕩口鎮  
 舉人華祖勤建 垂慶鄉有集福寺在界涇宋紹興初  
 建明永樂中少師姚廣孝以其族弟道正居此有賜敕  
嘉慶志菴有念珠一串為成祖以方孝孺等諸忠  
 臣遺骨為之賜廣孝者要無可據近為村民所得 報  
 福菴在胡堰宋建炎中建 祈福菴俗名廟菴宋元祐  
 初圓照師建 崇真菴 天授鄉有萬壽菴在北門外  
 顧橋下 泰山菴在北門外濱運河明萬曆中都御史

秦耀捐建 梵音菴在城北濱運河 環秀菴在蓉湖

尖乾隆間僧智海建 永甯菴在蓉湖尖之南濱運河

乾隆間僧德山重建 增福菴在西村舊名寶嚴禪院

明萬曆中府丞周繼昌建 蓉湖菴在三里橋明萬曆

中侍郎萬象春建 蓮居菴在後祁村明萬曆中建

善住菴在後祁村今名蓬萊閣明崇禎間僧雲徹建

藕花菴明嘉靖間僧道端建 福林菴 普靜菴康熙

間僧克己建 前湯菴在前湯亦名普濟菴宋紹興初

建嘉慶志明萬曆間僧行恩昭慧 吉祥菴在北門外

河埭裏明萬曆間僧志菴建 大林菴在邑厲壇之旁

明崇禎初僧冰野建亦名大悲殿 祖師樓在北門外

明崇禎初建 泰伯鄉有泗州教寺宋嘉定間僧了忠

建曰崇報菴端平中易今名 福緣菴宋咸淳中建

善慶菴宋咸淳中建 利濟菴元泰定中建 錫禧菴

般若菴 集福菴以上金匱

按舊志無錫有聽松菴在桃花塢下明洪武間僧普真  
卽繡嶺亭故址建後廢爲邵文莊寶諭塋有摩竭菴在  
城南舊爲明卽中華雲別業後廢爲先農壇有崇福菴  
在寄暢園左乾隆間僧明宗建今廢爲節孝祠有九峯  
菴在寺塘涇卽黃園遺址改建咸豐十年燬今爲忠節  
祠有蓉湖禪院去惠山不二里東與迎潮館相望舊爲  
蓉湖莊明都御史秦耀別墅有餘慶菴在長腰山宋乾  
道中建有迎龍菴西資菴在玉圻村方菴並已久廢金  
匱有化城菴在盛巷元至正間邑人王信甫捨地僧彌  
福自東門外徙此後廢爲主簿公廨有福緣菴在倉橋



北乾隆間僧行周重建今改為普濟堂有龍祠菴在芙蓉山宋嘉定間建以龍井故名有東田精舍在塢影橋亦曰塔影莊乾隆間南禪寺僧際輪別業亦並久廢

### 右佛寺

明陽觀在惠山西南宋崇甯四年盧至柔建李遠記謂卽

### 古洞陽觀地

咸淳志云明陽觀在礫山國朝崇甯中道士盧至柔築大觀初賜額洞陽觀舊在慧山陸羽記云觀旁有洞潛通包山梁天監中建隋大業間寺廢洞亦堙其地今隸薦福寺按咸淳志脩於咸淳四年而李遠記作於紹興二十年去大觀時不遠二說不同未詳孰是俟攷 大觀元年賜今

額至柔蜀華陽道士初居洞虛宮以符水濟人久著靈

異偶行至礫山有白鹿躍出遂結菴居焉將化其弟子

問葬處曰但昇棺遶行山阿輕卽止後果然啟視有白

鶴南飛惟兩履尙存觀有三清鐵像其後許蓬頭居之

亦多奇蹟明洪武宣德宏治累葺之 國朝乾隆三十

四年道士尤清臣重修

舊志云舊有望湖閣橫翠半山諸亭並廢

城中有真應道院在縣治東沈家巷明洪武初建天王

堂在教場巷內邑中秦氏倡建

城外有石門道院在望公塢康熙間道士錢冲漢建 九

陽道院在石門康熙間靖江鞠遠聞及邑人張暹王培

元道士楊清和建其上爲張仙殿卽白鶴道院明天啟

初建其下爲離垢菴 有恆道院在二泉亭右明副使

鄒迪光天鈞堂遺址故亦稱天鈞堂 國朝康熙間道

士徐道廣建志外云邑人胡華馮祝岳五姓捨建延徐住持丹井山房在東

嶽行廟內乾隆間邑人鄒文錦建三茅殿在惠山上

俗稱絕頂為三茅峯稍下為二茅峯又下為大茅峯

玉皇殿在惠山寺後厓上鎮溪菴在西郭外明正德

中秦氏捨建此菴雖以菴名而實道士所居嘉慶時嘗為僧居今復為道士居以上無錫

洞虛宮在城中大市橋靜慧寺之左舊在膠山梁大同二

年建始名青元宮後廢徙今地宋大中祥符中改賜今

額慶歷中火嘉祐初重建元至元中火明洪武二年道

士陳道安脩復之洪熙景泰相繼增葺萬歷中火尋復

建殿六三清玉皇雷尊七元真武三元又有魁星元都

酒碧吟仙等樓後復增太乙長生二殿國朝康熙三

十二年邑人鄒性善孫游佳集貲重脩玉皇左翼諸天

殿蔡貞女建乾隆九年邑人鄒文錦又建右翼諸天殿

咸豐十年全燬光緒二年道士秦瑞芳集貲重建玉皇

殿

城中有斗姥閣在第五箭河康熙間秦鏜捨建亦名報恩

道院希夷道院在城東南隅弓河上元元貞間道士

孫必聞重脩舊志相傳有丁道固者遇一道士日暮乞食患瘡不能行道固止之數日因留一丸

藥贈其大婦而去將服之有人言見道士用瘡中膿水為丸道固唾而投之於火忽五色煙起空中見前道士

手持一扇扇有希夷字道固遂施宅為院以奉之

城外有資敬觀在隆亭西明主事華叔陽自呂橋徙此王

世貞有記舊觀元學正華玠建 滄浪觀在下田橋

衍慶道院在蕩口鎮明學士華察建僉事王問題額其

後有文星閣康熙間華謙益募建 青霞觀在斗山

鐵索觀在北門外江陰巷內明御史盛顥別業嘉靖間

道士談碧辰改建 璇璣道院在江陰巷康熙間里人

建 元升道院在後祈村舊為蓬萊閣雍正初改建編

修秦靖然有記以上金匱

按舊志無錫有文昌宮在惠山大雄殿後麓順治間邑人劉宗熹建乾隆間楊孝元增建名山敬業堂集同人會詩文於此咸豐十年燬今為淮湘昭忠祠金匱有元元萬壽宮在第六箭河元倪文光建初名元文館元統

間賜今額後廢為鄒氏曹氏別業主經屢易無復遺蹟

### 右道院

嘉慶志云志例不當載比邱尼及女冠之居惟善智尼寺在金匱山西唐乾符初建明正德中督學御史張汝立毀寺置秦淮海祠妙覺觀俗稱女貞觀宋至道三年女冠邵得新自膠山鄉徙入縣城俱見於前明舊志今竝削之以符體例

無錫金匱縣志卷十三終

無錫金匱縣志卷十四

古蹟

邑自句吳建國三千年來其間賢哲之所經營忠孝之所棲託與夫高人逸士風韻所在雖一邱一壑竝足不朽所謂物因人傳也他如洛陽名園存者蓋屬成都石刻罕而見珍坳著于篇用備考覽志古蹟第十七

闔閭城在縣西五十里富安鄉越絕書伍員取利浦及黃瀆土築闔閭城吳地記周敬王六年伍員伐楚還運潤州利湖土并取黃瀆土築大小二城元志云大城在姑蘇小城在富安鄉閭江之地今土人有城裏城外之稱

梅里鄉亦有利浦及黃瀆去州十里非潤州利湖

案咸淳志所引諸說與此略同而稱無錫志云大城在姑蘇小城在富安鄉則咸淳以前之縣志而元志所本也越絕書云云今本無此文

范蠡城在縣西十里輿地志歷山西北有范蠡城越伐吳范蠡所築咸淳志云吳地記在古歷山西今謂斗城猶存

黃城在縣西與斗城相近俗呼爲黃斗城史記黃歇請封于江東因城故吳墟後漢郡國志注城在無錫寰宇記黃城去縣十二里歷山下春申君祠去城三里古道通黃城

龍尾陵道越絕書春申君初封吳所造後漢郡國志劉昭注云自是山名非築陵道咸淳志謂之北龍山今俗稱

龍山梢  
春申澗亦名黃公澗其初祠春申君於此在望湖閣之西並見陸羽惠山寺記山半有大石鐫卧雲二字徑尺許邵文莊寶所書

秦皇塢在錫山西陸羽惠山寺記始皇東巡會稽望氣者以金陵太湖之間有天子氣故掘而厭之

御亭孫吳時立在縣東南今望亭鎮晉書顧衆傳蘇峻反衆從弟颺率諸軍屯無錫庾冰鎮御亭咸淳志望亭舊

名御亭在縣南四十五里顧颺築壘于此又云寰宇記

隋開皇九年置為驛唐李襲譽易今名後廢鎮故有堰

閘別詳水利宋天聖中始置官署相傳廢閘之西有古壘先

廢蓋顧颺築也張士誠亦築堡於此王逢有重過望亭新安二堡詩自注云丙申冬張氏築

華坡在惠山第一峯下晉華寶所築今攷第一峯下無坡

形者惟護雲關前平坦數十丈似之

湛長史草堂在惠山下劉宋湛挺讀書處同時劉鑠有過

歷山草堂詩齊江淹唐邱丹韋夏卿輩及其十三世孫

賁皆有詩刻石

案陸羽惠山寺記長史湛茂之家此山下邱丹湛長史舊居誌云惠山寺即茂之之別墅也

李相讀書臺在惠山寺左元志小徑縈紆有堂三楹中繪

唐相李文肅紳像紳未遇時讀書于此嘗手植雙溫樹

于惠山寺有詩記之望湖閣在山半亦紳所建陸羽惠

山寺記自大同殿直上至閣望芙蓉湖是也並久廢

案咸淳志李相書堂在惠山寺邵文莊惠山記引邑志云李公垂讀書惠山後徙剡川精舍王永積錫山景物畧公既貴改精舍曰龍宮因築讀書臺于宮內歲久湮沒萬歷間談修立石重鐫李丞相讀書臺六字在聽松菴右府志錫山南別有讀書臺為明吳廉使學之北莊

曲水亭在惠山寺陸羽惠山寺記寺前有曲水亭一名憩

亭一名歇馬亭以備士庶投息之所其水九曲登以文

翻巖壁

案明嘉靖間彭簪導十賢堂西偏若水洞口水濱為九曲東趨堂階之下落石壁以入于池又黃指于園中鑿曲水在山麓之左皆非昔之曲水也說本嘉慶志雜識

繡嶺亭在惠山第一峯下本名照山宋滕中元建以花木繁若錦繡故名

嘉蔭軒在惠山寺宋蘇舜欽建更有挹翠翠麓擁翠等軒而翠麓尤著錢公輔焦千之韓維輩皆有題詠今廢

長生檜在惠山寺殿東偏宋明道中知縣蘇紳手植後人立石以此名邵文莊惠山記今亡

趙令松在惠山寺前宋元符間知縣趙任手植明嘉靖中經倭寇斬伐僅有存者

宋高宗行殿在惠山寺即佛殿後白雲堂基高數仞明崇禎間改建護雲閣

時思精舍亦稱時思菴在第三峯擔鉤塢一作桃宋信安

郡王孟忠厚建忠厚五世孫潼別築惠麓小隱在錫惠兩山間又作鄒國公祠祀孟子後其地改為鄒園

錫麓書堂在秦皇塢介錫惠兩山之間宋尤文簡表讀書地初因文昌祠結廬數椽不事華飾歷四傳無所改易

又遂初書院初名依山亭表取孫興公遂初賦義以名宋崇陵為御書遂初二字以賜中藏書三萬卷相傳公

退手抄與其子弟及奴婢計日分抄者咸聚焉後燬於

火又有樂溪居在西郊梁溪之上後有高岡眺望最得  
溪山勝槩題曰樂溪故所著有名樂溪集者五十卷中  
有萬卷樓暢閣來朱亭二友齋來朱者曾與考亭講道  
於此後人因圖其像於壁二友則陳亮楊萬里也

一梅堂在富安鄉胡埭宋寶慶間蔣忠文重珍致仕歸築  
堂後有萬竹亭皆自爲記雲龍小隱在龍尾陵道亦重  
珍別業

悟空精舍在惠山第七峯之青墩宋宗室若崑所築有軒  
曰玩雲軒

清微精舍在錫山之陰元延祐間倪文光築隄遏澗爲水  
簾潺湲之聲晝夜不絕倪瓚張雨皆有詩又小蓬萊亭  
海天亭棲神偉觀樓俯臨黃公澗俱文光築

仁山堂元強以德自湖廣提舉歸作堂於西溪以奉母唐  
太君趙孟頫顏之曰仁山虞集爲之記又仁壽菴在璨  
山之陽亦以德所築歸隱處堂宇亭池極幽靚閒美之  
致黃潛有記

竹鑪在聽松菴明洪武間湖州竹工爲僧性海編竹爲鑪  
規制精密高不盈尺上圓下方類道家乾坤壺王紱爲  
繪圖賦詩時多題詠永樂間鑪歸潘克誠後屬楊謨成  
化丙申秦夔爲僧撰疏募而復之以貯秋聲小閣

閣在  
大悲



殿左峭壁巉巖鑿坎結小閣綴柏倚空如鳥巢猿穴游人緣蘿而登最稱奇勝王問填以土石遂失舊觀久廢盛顒之從子虞嘗倣其制為之至國初舊鑪既毀盛製又壞而絨圖亦亡顧貞觀更製二鑪攜其一至京師而得絨圖於納蘭成德所復歸於菴乾隆間

高宗南巡有詩疊卷中韻

賜竹鑪山房額

命張宗蒼補寫一圖蓋舊圖凡四而失其一也已亥冬知縣邱漣取卷至署重裝燬於火事聞

御筆親仿絨畫為補首圖

命皇六子及弘昨董誥分畫二三四圖補錄前人題詠又

出

內府所藏王絨溪山漁隱圖卷償之與諸臣賦詩紀事甲

辰春再

幸五疊前韻

命大學士梁國治書辛未以後

御製詩於卷中及更咸豐十年之亂鑪卷皆失同治初秦

緗業始得

御筆圖華翼綸又出所藏王絨翠竹卷並付黃埠墩僧藏焉而秦恩延亦旋得漁隱卷乃并歸之

碧山吟社在春申澗上明景泰末秦旭闢之為觴詠之所

會者十人見隱逸傳號十老社中有十老堂濯纓亭撚髭亭涵碧池芙蓉徑古木陂沈周爲之圖越六十年旭曾孫瀚脩之因與顧可久王問華察王瑛賦詩其中後廢國初旭九世孫松齡復與嚴繩孫秦保寅蔣遵路輩結詩社慈谿姜宸英亦時至有碧山集雍正間松齡子實然招集名流方外會於二泉亭右之望益樓以開幸徑望三益五字分韻賦詩亦繪爲圖殆碧山之遺韻也寶界山居明王問別業先是宋紹興間錢紳謝知州歸隱於此攜三鶴以從置俸鶴田又得泉巖下極甘冽作亭其上名曰通惠蔣階有記又建遂初望雲芳美諸亭蔡載有四亭詩後屬明陳賓植梅數百株稱梅坡最後屬問歸有光爲之記問旣中歲歸田子鑑登第後亦告歸父子並隱以詩畫自娛其間者五十餘年

高公止水在城南隅水缺巷明高忠憲攀龍第後池也忠憲被逮不辱自沈于此以死後地歸他姓國朝康熙初忠憲從子世泰贖還置祠其上名止水又水居在五里湖濱亦忠憲築忠憲自行入抗疏貶揭陽典史歸棲遲於此者垂三十年自言几席湖山衣被風月飲食圖史皆此地也其右曰可樓前日月陂後浸廢雍正初華希閔借忠憲從孫愈隆輩修之嘉慶八年秦瀛又修之

有記咸豐十年燬

澹甯居明馬忠肅世奇讀書處地僅方丈而名甚著在城

中西溪以上無錫

泰伯城在縣東南三十里梅里鄉吳越春秋泰伯起城周

三里二百步外郭三百餘里句有誤在吳西北隅名曰故

吳寰宇記泰伯城西去縣四十里高三丈輿地志吳築

城梅里平墟卽此城內有泰伯宅堂基及井尚在咸淳

志泰伯城或名吳城泰伯井在泰伯城

嘉慶志云梅里一作梅李古所謂梅李平墟也其在常熟縣東三十六里者亦名梅李乃以五代時吳越使梅李二將駐兵于此而名非泰伯之梅李又云舊志載梁鴻井在皇山案唐李紳詩至德今何在平墟井有泉梁

鴻重濬後又歷幾千年明卽是井爲鴻濬非別有梁鴻井可以正相沿之誤

鳴城寰宇記鳴城西去縣二十里輿地志吳王牧鳧鴨之

處卽此城也咸淳志鳴城在縣東二十五里又麋城在

縣東二十里以鳴城觀之亦吳王豢麋鹿之所

案舊志此下載有西施莊在縣東四十里宅仁鄉云吳地記范蠡獻西施於吳故有是莊蓋本諸咸淳志考越絕書越飾美女西施鄭旦使大夫種獻於吳是獻施者種非蠡也時吳都姑蘇由越入吳不涉縣境說殆附會

敬義坊在中市橋東迴溪里朱文公書

梨花莊咸淳志在縣北天授鄉

投釵井在堠陽元華鉉妻陳明淑投釵於此因名鉉卒或

勸明淑他適明淑拔頭上釵擲井誓曰妾如失節有如

此叙  
清閔閣在梅里鄉元倪瓚故居旁列碧梧奇石設古尊壘  
彝鼎法書名畫其中非楊維禎張雨諸人不得至他有  
雲林堂朱陽館之屬以清閔爲最勝其名至外國使臣  
皆知之

春草軒在隆亭明華幼武奉母之所因取孟郊游子吟詩  
語以名楊維禎有春草軒辭名人如黃潛輩俱有詩詠  
其事後廢其裔孫別築之亦旋圯

選魚室在尤圖明尤文養母處母嗜魚文日釣溪鮮於是  
室剔骨以進歷四十年不懈徐有貞爲之記

葑溪草堂在城東葑溪上明秦旭爲其父季昇築遊觀之  
所戶外清水綠疇令僮奴肆耕以給膳後旭子旦別構  
屋於蠡橋北約社中諸老與旭觴詠其中同時旦兄夔  
有五峯草堂在惠山第五峯下弟奭工詩畫亦建有滌  
煩亭

小心齋在涇里明顧端文憲成讀書處旁有同人堂月集  
諸從遊者若史孟麟丁元薦夏臺卿安希范繆昌期錢  
士升馬世奇吳鍾巒又張大可以武人來受業後死登  
萊之難弟允成亦有小辨齋在城東隅箬葉巷

園墅

附

寄暢園在惠山寺左明正德中秦端敏金并二僧舍曰南

隱漚寓者為之初名鳳谷行窩中多古木後倚一墩撫巡

周文襄忱嘗至山寺以形勢左豁命聚土築之端敏歿歸其族孫梁轉屬梁之

從子耀乃易今名其後園遂分裂至曾孫德藻又合并

改築雲間故有張連者善累石作層巒傳其法於從子

鉞乃使為之又引二泉之流曲注其中園成而益勝

國朝康熙乾隆間每遇

南巡之歲輒

幸茲園

宸翰稠疊秦氏子姓迎

駕園門者亦往往

賜秩

賜綺云

案寄暢園當次竹素園之後而舊志皆以寄暢冠諸園

聖者乾隆志謂變輿屢幸增重林泉嘉慶志又謂他園皆廢惟此獨存也

自經寇亂亦就頽壞而端敏至今四百年來未嘗易姓亦較異於他園者矣故仍首錄之其他以時次焉又舊志所載而遺址失考者并列於後

來青樓在胡橋之南元華珪建高三層廣十六楹一時文

人觴詠最盛明宣德中毀

許氏草樓在嚴家池上明許靈所構讀書處臨池面山額

曰山水之間王紱為畫草樓八景於壁靈從弟節結文

社於此

萬松園在嚴家池南明張籌築題曰杏花村

渠南一老亭在青祁滄明李庶所居居後為圃而構亭水

上書陶謝諸賢詩於壁其渠南第一樓則在城中南市

街左壁有王紱畫竹右壁有過儀畫松庶碧山吟社十

老之一也同社陳懋築錫谷書堂內有西清樓風翰亭

夏寅等有詩施廉築野翁園在舊聽松菴右沈周為之

圖園中有野翁泉

呂御史別墅即太保墩明呂卣築卣子元夫增葺之秦端

敏金亦曾構別墅於此今並廢為神祠

竹素園在北禪寺後明馮夔第中圃也中有廣池池四面

皆竹夔家有女樂賓客常滿園以石勝邵文莊寶嘗賦

之後屬顧氏 國朝乾隆間尚存一石立水濱嘉慶初

顧光旭移入惠山祖祠秦瀛為作拜石山房記

清溪莊在西定橋西北一里明顧可久築施漸為作十景

詩後屬潘氏

惠麓小圃明談愷築面錫山背平壤後王鑑子大益得而

拓之號玉園王世貞有記今馬忠肅祠亦其遺址

黃園明黃搢即呂元夫之舊圃改築王世貞有記中有擊

秀閣四面洞達下臨清池今忠節祠亦其遺址

案舊志載冠龍山居謂卽王世貞所記之黃園嘉慶志從錫山景物畧分載今仍之

芹野草堂在西郊明陳籌別業至國初已三易主籌四

世孫大成過而賦詩宜興陳維崧填詞和焉

案舊志誤入金匱考乘據陳維崧詞序謂梁溪西郊外其詞亦云過西定橋有芹野園是屬無錫境今從之

施罔卿園明施策築在城中西南隅後顧岱屬張斌改築其孫贄又構宅於此非復舊觀

栖隱園在寺塘涇明賈應璧因秦柔基所築又名古華山莊入門有樓橫臨涇上元強可仕溪山第一樓故址也可仕摹朱子溪山第一四大字揭其上明嘉靖間屬秦後屬應璧中有文昌祠大士菴藕花池皆春堂繼歸秦

壩 國朝康熙間商人購其樓與堂作知縣吳興祚生祠旋改爲朱文公祠咸豐十年燬光緒六年重建

愚公谷在惠山寺右明正德中馮夔毀僧居爲園因其地有龍縫泉故名龍泉精舍夔歿園歸顧起綸作墓地旣葬而遷乃屬鄒迪光撤其舊而廓之自春申澗至繡障街前後廣各數十畝異花珍石崇臺閒館參錯其閒有十二樓以居姬侍迪光解組旣早性好土木日遷月改旬日再至卽非舊觀嘗謂身死之後當施爲佛刹聽其興衰久暫云今胡文昭祠有恒道院尊賢祠至德祠皆其遺址

碧山莊在西郊俞公橋東明嘉靖中猾胥高玠所營王御史某計取之後屬侯先春子世芬又歸秦德藻今仍屬侯已廢

茶夢閣在南郊九里涇明姚咨建

武陵莊在中橋明施漸歸隱處後屬王永積 國朝康熙

中秦敬熙卽其地濬池築臺曰半園中爲湖北草堂古

香亭望山樓岸艤石室子琦又築攬秀閣得月軒並廢

菰川莊在菰瀆之上明華雲建沈周有圖今爲福城菴

楊園在管社山 國初楊維甯築有柳隄蓮沼石天眠螭

諸景至今子孫居之遺制猶在

溪山勝槩樓元華鍊建鄭元祐書額今無考又冠龍山居

明尤茂先別墅其堂曰遂初蓋取文簡舊額而長洲文

嘉重書之俞允文有記近山園陳賓別墅水北園龔時

亨築菊花莊吳學築怡老園華守正築二宜園俞泰築

贛州園黃學海築日涉園汪汝達築並莫詳其處以上無錫

容膝軒在營橋元潘仁仲居之廣袤不踰尋丈孤石修竹

翛然塵外倪瓚嘗止是軒圖左右二壁而題詩其上

後樂園卽方塘書院明盛頤取白水蕩以營之飛梁曲榭

參差布列中爲清風茶墅與子弟羣從鬪薜爲樂園故

有古柏一株宋時物也後尤魯王業皆嘗得之旋廢歸



秦氏

西林明膠山安國園也去國之居二里有南林清流沿洄綠陰翳日又二里許乃曰西林嘉靖中國因歲旱大出粟募民穿池池廣數百畝中爲二山以擬金焦循隄藝樹緣崖結亭廓然大觀其池水所溉田與所入魚芡芡蒲之利不可勝計至國孫紹芳負才不偶爰卽其業大加丹雘與天下知名士游賞其中王世貞記疏其臺館亭榭謂麗於山者五麗於水者十四兼山水之事者三不能盡載二百年來爲東南名區

嘉遯園在鵞湖明華察築察所居隆亭第後又有東西二

園

曉山芳圃明浦文龍第後別館也在羅溪之上溪接宛湖中多古木後歸常熟瞿氏旋復旋圯其初文徵明嘗游止小年菴中作圖二十四幅國朝嘉慶間猶有存者讀書獨行二園皆明俞憲築在其第旁二園中隔烈帝廟巷架旱橋其上以通之憲豪侈而好文聲色文酒一時稱盛今廢無遺址而廟巷猶稱旱橋云

拈芳園在上舍明陳鳳築種梅數十畝有陳東川者爲十二景詩鳳子以忠別築鳴玉園於斗山之麓園受山澗聲出萬竹中若鳴玉故名

曠適園明龔勉築即綠蘿菴故地

花笑亭在鷺湖西七里曰西莊明華毅築秦鏞為作記敘

華氏園林嘉遜廢而有樂榆樂榆廢而有浣紅浣紅廢

而有花笑

亦園在映山河上明侯杲仿寄暢為之故以亦名

以上金匱

碑碣

附

唐石床在昭忠祠門外故惠山寺佛殿前也皮曰休詩松

子聲聲打石床即此篆刻聽松二字於額相傳李陽冰

書旁有宋政和間張圃仲題字十行其平面有嘉熙三

年趙希袞題字三行明正德間移置聽松菴邵文莊寶

有詩後菴毀復歸寺內道光十五年知縣曾承顯築亭

覆之

案文莊詩有云洗却蘚痕看古刻志書傳是米南宮今考石床無米書而趙題筆勢頗偉豈誤以為米耶

唐崇安寺石幢在崇安寺門之左刻尊勝經咒咸通八年

立國朝光緒三年秦臻始搜拓得之右幢無字

唐惠山寺石幢在山門之右刻尊勝經咒乾符二年白鹿

山人李端符書舊志作李端行誤

宋惠山寺石幢在山門之左刻楞嚴諸咒熙寧間立

宋賜明陽觀額勅牒碑在明陽觀大觀元年奉勅慶元六

年勒石

宋明陽觀碑記在明陽觀紹興二十年陽羨李遠撰梁溪戴幾先書括蒼何俛篆額

宋資福菴碑記在歸山資福菴淳熙十五年惠山僧冲希撰書

宋賜孚澤廟額勅牒碑在軍將山孚澤廟開禧二年奉勅勒石下截有記高可大撰書

宋重脩縣學碑記在學宮嘉定十年鄭子恭撰凌蓮書

宋無錫縣學續增養士田碑記在學宮淳祐五年知縣薛師魯撰書

宋北禪寺經界碑記在北禪寺淳祐十二年寺僧德恢撰

案邑中舊刻相傳頗夥大都就湮茲不具著者其存者宋以下舊志不收搜剔難竟故遂闕之以俟考補

無錫金匱縣志卷十四終

